

Primera carta de San Pablo a los Corintios

Corinto cuto gãnare Pablo ï papera cõare gaye

¹ Ñati Corinto cuto gãna mña. Yu ña Pablo. Sóstenes mani yagñ rãca, “Quenajaro”, ya gña. Dios ï ãmoro bajiroti Jesucristo ocare yu riaso ucutoni yure cũñi ï. ² Mña Corinto cuto gãna cñni Dios ñarã ña mña. Ito bajiri adi papera cõa yu mñare. Jesucristore tñorãñarã ñari Dios ñarã ña mña. Dios mñare beseñi ñeñarise yimenati mña ñatoni. No mani Uju Jesucristore tñorãñarãti ito bajiroti ñna ñare ãmoguñi Dios. Mani Uju ñami Jesucristo. No ïre tñorãñarãre ñna Uju ñami Jesucristo. ³ Mani Jacu Dios, ito yicõri mani Uju Jesucristore cñni seni ïsia yu mñare yiarì. Mñare ñna queno yijaro yirocñ ñnare senia yñ. Mña ya ñsijñ queno mña wanñ quenatoni mñare yiarì ñnare senia yñ.

Cristore tñorãñarãre Dios ï queno yire gaye

⁴ Jesucristo ï goda ïsirajuna suoriti queno yami Dios mñare. Ito bajiro ï yijare, “Queno ya Dios mñ”, yisotia yñ ïre. ⁵ Cristore tñorãñarã mña ñajare queno mñare ejabñami Dios. ï gayere queno mña tño rëtobutoni ito bajiro yami Dios. Ito bajiri mña busirise, mña masirise cñni queno mña masi rëta budiroca yami ï. ⁶ “Jesucristore mña tñorãñaja, mama ñsi mñare wasoagñ yiguñi ï”, yñ yiado bajiroti baja mñare. ⁷ Ito bajiri Jesucristo mani Uju ï ejari ramñ mani bocatiroca queno yi ñagñ yiguñi Dios manire. Ito bajiro manire queno ï yijare

ñejua ruayabeto yiroja manire, ñre mani moa ñsi masitoni. ⁸ Macãrucãro iti jediroto riojua Jesucristore mani tuorũnu jidicãbititoni manire ejabuagu yiguñji Dios. Ito bajiri Jesucristo mani Uju ñ tũdi ejari ramu, “Seti cutirã ñama ñna”, sīgũjua yi masimena yirãji ñna manire. ⁹ “Ado bajiro yigu yiguja yu”, ñ yiado bajiroti yigu yiguñji Dios. Dios ñti ñami manire beseru. Ñ Macu Jesucristo mani Uju rãca sīgũre bajiro mani queno ñatoni manire beseñi Dios.

Corinto cuto gãna ricati riti ñna tuõiare gaye

¹⁰ Tuoya yu ñarã muu. Muare yu gotitoni yure cũñi mani Uju Jesucristo. Ñre tuorũnarã ña muu. Ito bajiri sīgũre bajiro muu tuõiaja quena. Ricati riti tuõiabesa muu. Ado bajirojua muu yija quena. Sīgũre bajiro tuõiacõri oca manoti queno muu ñaja quena. ¹¹ “Ricati riti tuõiamama ñna”, Cloé mesa ñna yija tuocõri, iti muare busia, yu ñarã yu. ¹² Ado bajiro yure goticã Cloé mesa: “Ricati riti tuõiamama Corinto cuto gãna. Tite mu. ‘Pabllore tuo suyarã ña guama’, yama gãjerã. ‘Apolosre tuo suyarã ña guama’, yama gãjerã. ‘Pedrore tuo suyarã ña guama’, yama gãjerã. ‘Cristore tuo suyarã ña guama’, yama gãjerã”, yi goticã Cloé mesa yure. ¹³ Ricati riti masa ñna tuõiaroca yigu meje ñami Cristo. Muare yiari yucutẽoju goda ñsibiticu yu. Yure tuorũnucõri meje idé gu rotiyija muu. Cristojua tuorũnucõri idé gu rotiyija muu. ¹⁴⁻¹⁵ Muu wato gãnare jãjarã meje idé gucu yu. Crispore ito yicõri Gayore ñna jũarãreti idé gucu yu. Ito bajiri, “Pabllore tuorũnucõri idé gu roticu guu”, yi tuõiamenaji muu. Muu jãjarãre idé gubitigoru ñari, “Queno ya Dios

ma”, yi tɔoŋa yɛ. ¹⁶ Baɛ, gãjerã Estéfanas ñarãre idé guca yɛ. “Iti cuto gãna gãjerãre idé guca yɛ”, yi masibea yɛ. ¹⁷ Masare yɛ idé gutoni meje yɛre cũni Cristo. “Masare masogũ yiguŋji Cristo”, yire oca yɛ gotitoni yɛre cũni ã. Buto masirena masa ñna tɔo seyotoni busibea yɛ. Buto tɔo seyore oca yɛ busija, yɛjɛare tɔorɛnɛcõri Cristore tɔorɛnɛbitiboana masa. “Masare yiari yucatẽojɛ godaŋi Cristo”, yi yɛ masare gotija, iti ña ñasarise.

Dios ã masirise rɛcogɛ ñami Cristo, yire gaye

¹⁸ Adi oca iti gotija, “Manire masoroca yucatẽojɛ godaŋi Cristo”, ya iti oca. “Buroti bajia iti, mecure oca ña iti”, yama jeame ɛjɛrojɛ warona. Mani Dios ã masoanareama oca wanɛ quenare gaye ña. Sẽorise ña Dios oca. Ito bajiri ã oca tɔorɛnɛcõri, “Cristo ã godarena sɔoriti manire masogũ yiguŋji”, yi tɔoŋa mani. ¹⁹ Dios oca tuti iti gotija ado bajiro gotia:

“Adi sita gãna ñna masirise buto masire gaye meje ña”, masa ñna yiroca yigɛ yigɛja yɛ. “Queno masirã ña gɛa”, yibojarãre, “Queno masirã meje ñama ñna”, gãjerã ñna yi ti masiroca yigɛ yigɛja yɛ, yi gotiami Dios ã oca tutina.

²⁰ “Queno masirã ña gɛa”, yama coriarã adi sita gãna. “Queno riaso masia gɛa”, yama gãjerã. “Adi macãrɛcãro gayere queno tɔoŋa busi masia gɛa”, yama gãjerã. Ito bajiro ñna yibojarocati, “Queno masirã meje ñama ñna”, gãjerã masa ñna yi ti masiroca yigɛ ñami Dios. ²¹ Jeyaro ñejua rɛyabeto tɔo masi jeogɛ ñami Dios. Adi sita gãna ñna tɔo masirena meje ãre masire ãmoŋi Dios. ã ocare

tʉorũnũrena sʉoriti ĩre masire ỹmoñi Dios. Ito bajiri ĩ oca tʉorũnrũre riti masoami Dios. “Ito bajiro masare masoami Dios”, yire oca tʉocõri, “Bũroti bajaia, mecũre oca ña”, yama Diore masimena.

²² Tiyamani Dios ĩ ĩore ti ỹmoama judio masa. Masa ĩna masirisejũare tʉo sũya ỹmoama griego masa. ²³ “Masare yiarĩ yucũtẽojũ godañi Cristo”, yire oca gotia maniyama. Iti gayere mani gotija tʉo ỹmobiticõri, junisiniyama judio masa. Judio masa meje cũni iti oca tʉocõri, “Bũroti bajaia, mecũre oca ña iti”, yama ĩna cũni. ²⁴ Maniyama Dios ĩ beseana ñari Cristore tʉorũnũa mani. Mani judio masa, ito yicõri judio masa meje cũni Cristore mani tʉorũnũja Dios ĩ beseana ña mani. Ito bajiri ĩre tʉorũnũcõri, “Rẽtoro sẽogũ ñami Dios ito yicõri jeyaro masigũ”, yi tʉoĩa mani. Ito bajigũ ñari jeame ỹjũrojũ mani wabore ñaroca Cristona sʉoriti manire masogũ yiguĩji Dios. ²⁵ “Masare yiarĩ goda ĩsi rotĩni Dios Cristore”, yire oca tʉocõri, “Queno masigũ meje ñami Dios”, yi tʉoĩama ĩre masimena. Ito bajibojarocati Dios ĩ masirise masa ĩna masirise rẽto bũsaro ñasarise ña. “Yucũtẽojũ godañi Cristo”, yire oca tʉocõri, “Queno sẽogũ meje ñaĩni Dios”, yi tʉoĩama ĩre masimena. Ito bajibojarocati masa ĩna sẽorise rẽto bũsaro sẽogũ ñami Dios. ²⁶ Tũoya yũ ñarã mũa. Bũto masirã meje ñabojarãti Dios ĩ beseana ña mani. Diore masimena ĩna tija bũto masirã meje ña mani. Mani wato coriarãti ñama gãjerãre rotiri masa. Mani wato coriarãti ñama ñasari masa rĩa. Bũto ñasarã meje mani ñabojarocati manire beseñi Dios. ²⁷ “Bũto masirã meje ñama ĩna”, Diore masimena ĩna yianare beseñi Dios. Ito bajiro yiñi Dios, masimenare ĩ be-

seja ticōri, “Masirã ña gũa”, yirã ña bojo bujatoni. “Queno sēorã meje ñama”, Diore masimena ña yianare beseñi Dios. Ito bajiro yiñi Dios, sēomenare ñ beseja ticōri, “Sēorã ña gũa”, yirã ña bojo bujatoni. ²⁸ “Ñasarã meje ñama ña”, Diore masimena ña yianare beseñi Dios. Ñre masimena ña ti tudianare beseñi Dios. Ito bajiro yiñi Dios, “Ñasarã ña gũa”, yirã, “Ñasarã meje ña gũa”, ña yi tũoĩa masitoni. ²⁹ Ito bajiro Dios ñ yijare, ñ tiro riojo, “Ñasagu ña yũ”, yi tũoĩa masigũ mami. ³⁰ Cristore mani tũorũnũre ãmoñi Dios. Ito bajiri ñre bajiro mani tũoĩaroca yiñi Dios manire. Jesucristona sũoriti ñ oca mani tũo masiroca yiñi Dios. Jesucristona sũoriti manire boca ãmicōri mani queno yiroca yiñi Dios. Mani ñeñaro yirisere Cristo ñ waja yi ñsicãjare, ñe seti mana ña mani Dios ñ tija. Ñ ñarã ña mani ñja. Cristona sũoriti manire masoñi Dios. ³¹ Ito bajiri ñ oca tuti iti gotija ado bajiro gotia: “ ‘Ñasarã ña gũa’, yi tũoĩabitirũja manire. Ado bajirojũa yirũja: ‘Manire queno yiñi Cristo. Ñjũa ñami ñasagu’, yi wanũ quenarũja manire”, yi gotia Dios oca tuti.

2

Yucutēojũ godañi Cristo, yire gaye

¹ Tũoya yũ ñarã mũa. Dios gaye mũare goti ãmogũ, tũo seyore oca rãca meje mũare bũsi ucucu yũ. Ito yicōri bũto masire ocana meje Dios oca mũare goticũ yũ. ² Mũa tũ yũ ejacati coji gaye ñasarise mũare goti ãmocũ yũ. “Yucutēojũ godañi Cristo masare yiari”, yire gaye riti mũare goti ãmocũ yũ. ³ Ñasagu meje bajiro mũa tũ ejacũ yũ.

Mua tiro riojo güigu nũũo bũsicũ yũ. ⁴ Mũare yũ bũsija, yũ masirisena meje mũare bũsicũ yũ. Ito yicõri Dios oca mũare yũ riasoja, yũ masirisena meje mũare riasocũ yũ. Cristore mua tũorũnũre ãmogũ, masa ãna masirisena meje mũare bũsicũ yũ. Ado robojũa bajicũ: Ñ oca mũare yũ riasoroca ã masirisena mua tũorũnũroca yiñi Espĩritu Santo. ⁵ Ito bajiri masa ãna masirise tũo seyocõri meje Jesure tũorũnũyija mua. Ñ ocare mua tũo masiroca yiñi Dios. Ito bajiri ã masirisena sũoriti Jesucristore tũorũnũyija mua.

Espĩritu Santona sũoriti Diore masia mani, yire gaye

⁶ Jesucristore rãcũbũocõri queno ãre tũo rẽtoburãre yũ bũsija queno masire ocana ãnare bũsia yũ. Ito bajiro yũ bũsija, adi sita gãna ãna masirisena meje bũsia yũ. Ito yicõri adi sita gãna ãjarã ãna masirisena meje bũsia yũ. Adi sita gãna ãjarã ãnabojana ãna masibojare rãcati godarã yirãji ãna. ⁷ Yũ bũsija, Dios ã masirisena bũsia yũ. Ito bajiro yũ bũsija, masa ãna tũo masiroti gaye ãna iti. Adi macãrucũro ã rujeoroto riojũa, “Ado bajiro masare masogũ yigũja yũ”, yi masicãñi Dios. Iti oca masa ãna masibitire Dios ã masirisena masare riasoa yũ. ⁸ Sĩgũjũa adi sita gãna ãjarã itire tũo masirã mama. “Cristona sũoriti masare masogũ yiguĩji Dios”, yi ãna tũo masija, mani Ũjũ ãnasagũre yucũtẽojũ sãabitiboana ãna. ⁹ Dios oca tuti iti gotiado bajiroti bajia. Tũote mua:

Ñre tũo mairãre yiari quenarise queno yucãñi Dios.
Masa ãna tĩãbiti, ãna tũobiti, ãna tũoãbiti cãni

quenarise queno yucãñi Dios, yi gotia Dios oca tuti.

¹⁰ Espíritu Santo manire queo sãcõri, “Quenarise queno yicãñi Dios”, yi mani t̃o masiroca yami Dios. Dise r̃ayabeto masiami Espíritu Santo. Dios ï t̃oõarise masi jeoami Espíritu Santo.

¹¹ Mani masamasiti, “Ï ito bajiro t̃oõami”, gãmeri yi masibea mani. Ìmasiti, “Ito bajiro t̃oõa ỹ”, yi masiguĩji ï. Ito bajiroti Espíritu Santo sīgũti Dios ï masirisere masiguĩji. ¹² Jesucristore t̃orãnrã ñari adi sita gãna ñna masirise boca ãmiana meje ñna mani. Espíritu Santo Dios ï cõarureama boca ãmiana ñna mani. Dios queno manire ï yire gaye mani t̃o masitoni Espíritu Santore cõañi Dios manire yiri. ¹³ Ito bajiri mani b̃usija, mani t̃oõa rujeorisena meje b̃usia mani. Espíritu Santo manire ï riasorise b̃usia mani. Mani t̃oõa rujeorisena meje b̃usia mani. Espíritu Santore boca ãmigoana ñari, gãjerã ïre boca ãmigoanare ï gayere goti r̃etobu masia mani.

¹⁴ Adi sita gãna Espíritu Santore boca ãmimena Dios gayere t̃o masimenaji ñna. “B̃uroti baja, mecure oca ñna”, yi t̃oõarãji ñna. Ito bajiri itire t̃o ãmomenaji ñna. Espíritu Santore boca ãmimena ñari Dios gayere t̃o masimenaji ñna. Ñna t̃o masiroca Espíritu Santo ï yibeja t̃o masimenaji ñna. ¹⁵ Espíritu Santore boca ãmianama Dios gayere t̃o masirãji ñna. Ito bajiri, “Dios gayere t̃o masirã meje ñna ñna”, sīgũjua yīgũ maquĩji ñnare. ¹⁶ Dios oca tuti iti gotija, ado bajiro gotia: “Mani Ujua ï t̃oõarise masigũ maquĩji. Ñimujua Diore riasogũ maquĩji”, yi gotia Dios oca tuti. Ito baji-

bojarocati Espíritu Santo quedi sãja ecoana mani ñajare, Cristo t̃oõarise mani t̃o masitoni manire ejabuami ã.

3

Diore mani moa ãsiroti gaye

¹ T̃ooya yu ñarã muã. Espíritu Santore queno t̃oõrũnũsamena muã ñajare, josari gaye muare busibiticu yu maji. Adi sita gãna Espíritu Santore boca ãmimena bajiro josarise gaye meje muare busicu yu. Iti r̃um̃ju Cristore boca ãmiana ñabojarãti ãre muã queno t̃o s̃uyabejare, r̃ãcare busigu bajiro muare busicu yu. Queno muã t̃o masibejare r̃ãca robo bajiro muare busicu yu.

² Josabitire muare riasocu yu. Mac̃acã ũjugã, õjegõa riti ũjugũji. Bare butirise ãre ecamenaji. Iti robo bajiroti Cristore muã t̃oõrũnũsamena ñajare, josarise gaye muare busibiticu yu maji. Adocãta c̃uni josarise gaye muare riaso masibea yu maji.

³ Adi sita gãna Jesure boca ãmibitiana bajiro muã ñajare, josarise gaye muare riasobea yu maji. Gãjerãre ti uorã ña muã maji. Gãmeri busitua muã. Ricati riti t̃oõã muã. Diore masimenare bajiro t̃oõãcõri ãna yíado bajiroti ya muã maji. ⁴ Muã coriarã ado bajiro ya: “Pablöre t̃o s̃uyagu ña yuama. Ito yicõri Apolosre t̃o s̃uyagu ña yuama”, ya muã. Ito bajiro muã yija, adi sita gãna Diore masimena ãna yíado bajiroti ya muã maji.

⁵ Yu Pablo ñasagu meje ña. Apolos c̃uni ñasagu meje ñami. Diore moa ãsirã ña guã. Guã riasorisere t̃oõrũnũcõri Cristore t̃oõrũnũyija muã. Guã Apolos rãca mani ũju ã moare c̃ũado bajiroti moa guã. ⁶ Yu

m̄are cajero riasos̄ocu. Ito bajiri aje otes̄oḡu robo bajiro baja ȳu. Ȳu bero Apolos jai busaro m̄are riaso remoñi. Ì ñami aje juditoni ide jio guḡu bajiro yiḡu. Dios ñami Cristore m̄a masiroca yiḡu. Ito bajiri ḡua otere judiroca yiḡu bajiro yiḡu ñami Dios. ⁷ Aje otes̄oḡu, aje ide jio guḡu c̄uni ñasarã meje ñama ñna. Dios ñami ñasaḡu. Ì ñami iti judi m̄jaroca yiḡu. Ito bajiroti ì oca riasorã, ito bero ḡajerã goti quenorã c̄uni ñasarã meje ñama ñna. Dios ñami ñasaḡu. Ì ñami Cristore mani masiroca yiḡu. ⁸ Aje oterã, otere ide jio gurã c̄uni corocõ moama ñna. Ito bajiroti Dios oca riasorã, ito bero ḡajerã goti quenorã corocõti moama ñna. Ñna moado bajiroti ñnare waja yiḡu yiḡuñi Dios. ⁹ Ḡua Apolos rãca s̄iḡure bajiro t̄uoñacõri Diore moa ñsirã ña ḡua. M̄a ña sita Dios ì coderij̄u robo bajirã. Gaje Dios ì wi menis̄ori wi robo bajirã ña m̄a, ñre c̄udis̄orã m̄a ñajare. ¹⁰ Dios oca m̄are riasos̄oḡu ñari, wi menirotij̄u wi godo gos̄oḡu robo bajiro bajiḡu ña ȳu. Ȳure ti maicõri m̄are ì oca ȳu gotitoni ȳure c̄uñi Dios. Ḡajerã ȳu bero riasorã wi godo ȳu goraj̄u wi menis̄orã robo bajirã ñama ñna. Wi queno riojo ñari wi menirã bajiro Dios ocare queno riojo ñna riasoja quena. ¹¹ Wi meniri masa cajero botari ñna ãmi c̄ubeja menimenaji. Ito bajiroti Dios oca gotiri masa cajero Cristo gaye ñna goti r̄etobubeja t̄uo masimenaji. “Mani ñeñaro yirise waja, waja yi ñsiroc̄u godañi Cristo”, yi m̄are riasocãc̄u ȳu. Iti ña ñasarise. “Ado bajiro Dios ñarã ñarã yirãji masa”, yire gaye oca rioj̄ua gaye ñe gaje oca ñasarise gotis̄ore manoja. ¹² Wi menirotij̄u goraj̄ure quenari wi menirona ḡuta queno b̄utirisena, orona,

plata wame cutirisena menirãji ãna. Gãjerã buto butiri wi meje ãna menija, yucu jidirisena, muji yoari meje jogarisena, ito yicõri ñicojãi jidirisena menibojarãji ãna. Queno Dios oca riojo riasorã ãna ñama butiri wi bajiro menirã. Riojo ñasarise queno riasomena ãna ñama jidiri wiacã bajiro menirã. ¹³ Masa tiro riojo Dios ã beseri ramã mani moagoado bajiroti waja senigũ yiguĩji Dios. Iti ramã jea ãjũrise ejaro yiroja. Mani moagore quesoïaro ejaro yiroja iti. Mani moagore quenarise iti ñaja, ãbeto yiroja. Ñeñarise iti ñaja, ã jedicoaro yiroja. ¹⁴ Dios oca queno riojo riasoanare ãna moagore jedibeto yiroja. Gãta wi ãbeto bajiro, ãna moagore jedibeto yiroja. Ito bajiri ãnare waja yigu yiguĩji Dios. ¹⁵ Dios oca queno riasobitanare ãna moabojare jediro yiroja. Yucu wi iti ãa godaro bajiroti jediro yiroja. ãna ya wi ãaja budigoana robo bajirã yirãji ãna. Jeyaro ãna moabojare ãa godacoaro yiroja. Ito bajibojarocati jeame ãjũroju cõabicu yiguĩji Dios ãnare. ãnare masogũ yiguĩji Dios Jesucristore ãna tuorũnaja.

¹⁶ Espiritu Santo queda sãja ecoana ñari Dios ya wi robo bajirã ña mani. ¿Iti gayere masibeati mãa? ¹⁷ Dios ya wi robo bajirã ñari ã ñarã ña mani ãja. Ito bajiri sãgũ manire ã ñeñoja manire ã ñeñoje waja ãre waja senigũ yiguĩji Dios. Ito yicõri ãre ruyuriogu yiguĩji Dios.

¹⁸ Mãmamasiti mãa rujũrire ruobesa. “Adi sita gãna ãna masirise masi jeocõri buto masigũ ña yu”, yibitiruja mãare. Ado bajirojã mãa yija quena. “Buto ñasagu meje, buto masigũ meje ña yu”, yiruja mãare. Ito bajiro mãa yija queno masirã ñarã

yirãji m̄a. ¹⁹ “Queno masirã ña ḡa”, adi sita gãna ña yibojarocati ñe ma Dios ï tija. Dios oca tuti iti gotija ado bajiro gotia: “Queno masirã ña mani. Ado bajiro yirã yirãji mani”, ña yi t̄oĩabojarocati ñare camotaḡa yiguĩji Dios, yi gotia Dios oca tuti. ²⁰ Gaje iti gotija ado bajiro gotia: Adi sita gãna queno masirã ña masirisere masi jeocõami Dios. “Queno masibema ña”, yami Dios, yi gotia ï oca tuti. ²¹ Ito bajiri, “Ȳ t̄o s̄yaguj̄a ñami buto masiḡa”, yi t̄oĩa wan̄re ma m̄are. Dios oca m̄are riasorãre ña oca m̄a t̄o masitoni ñare c̄ñi Dios. ²² Ḡa, ȳ, Apolos, Pedrore c̄ni ï oca m̄are riasotoni ḡare c̄ñi Dios. Adi sitaj̄a mani catiroti, mani godaroti c̄ni c̄ñi Dios. Jane gaye, ija r̄etaroti gaye c̄ni manire c̄ ïsiñi Dios manire ejab̄aroti gaye. ²³ Cristo ñarã ña mani. ï Cristo Dios yaḡa ñami. Ito bajiri mani c̄ni Dios ñarã ña ïja.

4

Jesucristo oca goti uc̄uri masa ña moare gaye

¹ Ado bajiroj̄a ḡare m̄a t̄oĩaja quena: “Cristore moa ïsira ñama ña”, ḡare m̄a yi t̄oĩaja quena. Ḡare c̄ñi Dios ï oca masa ña masibitire ḡa riasotoni. ² Moare c̄ ecoana mani ñaja, queno mani moaja quena. Ito bajiro mani queno yija ticõri, manire t̄or̄n̄rã yirãji gãjerã. ³ “Cristore queno moa ïsiḡa ñami Pablo”, m̄a yija, m̄a yibeja c̄ni, t̄oĩa usirio yibeja ȳ. “Cristore queno moa ïsiḡa ñami Pablo”, masa ñjarã ña yija, ña yibeja c̄ni, t̄oĩa usirio yibeja ȳ. “¿Cristore queno moa

ĩsicati yu? Queno moa ĩsibitiruja gajea yu”, yi masibeaa yu. Cristo sĭgũti “Ĩ ñami queno yure moa ĩsigorũ”, yi masiguĩji. ⁴ Yu tũoĩaja Cristore queno moa ĩsicu yu. Ito bajibojarocati, “Seti macu ñami ĩ”, yireoni meje ña iti. Mani Uju Cristo riti ñaguĩji, “Queno moa ĩsiquĩ Pablo yure”, yigu. ⁵ Mani Uju ĩ ejaroto riojua, gãjerã ĩna yirise ticõri, “Ñeñaro yirã ña mua”, yibitiruja manire. Mani Uju ĩ tũdi ejari ramu, yeyorojua masa ĩna yibojare gãjerã masa ĩna tiro riojo itire gotigu yiguĩji ĩ. “Ado bajiro yi amoa yu”, yi masa ĩna tũoĩa ñarise canı recoti ĩogũ yiguĩji Dios. Ito bajiri ĩre queno moa ĩsigoana mani ñaja, “Queno yure yicu mua”, yi wanugũ yiguĩji Dios manire.

⁶ Tũoya yu ñarã mua. Queno mua ñatoni iti gaye mũare busia yu. Yu gaye, Apolos gaye canı mũare gotia yu. “Ado bajiro yami Pablo, Apolos canı”, mua yi masitoni iti gaye mũare gotia yu. Itire masicõri adi tuti iti rotiro bajiro ricati yibitiruja mũare. Ito yicõri, “Gũajũare riasori masa, mũare riasori masa rẽto busaro masirã ñama ĩna”, gãmeri yibitiruja mũare. ⁷ “Gãjerã rẽtoro masirã ña gũ”, yire ma mũare. Jeyaro mua masirise Dios ĩ mũare jidicãre ña. Mua masirise mũamasiti mua bũjare meje ña. Dios ĩ jidicãre ña. “Dios oca riasoticõri, gũamasiti queno tũo rẽtobua gũ”, yire ma mũare. “Dios ĩ ejabũarisena queno tũo rẽtobua gũ”, mua yija quena.

⁸ “Dios oca queno masia gũ. Dise ruyabeto jeyaro masi jeoa gũ”, yi tũoĩa mua, yu tija. “Ujarã robo bajiro bajicã gũ ĩja”, yi tũoĩabojacõri gũare jidicã mua ĩja. Ito bajiro mua yija, “Queno tũoĩarã

meje ñama ñna”, yi tñoïa yu muare. Riti ujarã mua ñaja, quena ñaboadoja. Ujarã mua ñaja mua rãcati rotiboana gua cuni. ⁹ Ado bajiro tñoïa yuama. Gua Jesucristo ocare riaso ucurã, “Bero gãna manire cũñi Dios”, yiado bajiro tñoïa gua. “Inare sãacõrã yirãji mani”, ña yiana bajiro tñoïa gua. “No bajiro inare rëtaja tiana mani”, yi tiama masa guare. Adi sita gãna, ùmacũju ángel mesa cuni guare rëtarotire ti ñarãji ña. ¹⁰ Jesucristo oca gua riasojare, “Mecuri masa ñama ñna”, yi tñoïama masa guare. Ito bajiro guare ña yiroca, “Queno masirã ña guama”, yi tñoïa mua. “Dios oca queno goti masirã meje ñama”, yi tñoïama masa guare. Ito bajiro guare ña yiroca, “Dios ocare queno goti masia gua”, ya muama. Guareama masa ti te ñama. “Masa ña ti rãcũbuoana ña mani”, ya muama. ¹¹ Iti rãmũju gua ñiocõcato bajiroti ñiocõa gua adocãta cuni. Ide ma guare. Yutabujuri cuni ma guare. Masa ñeñaro yama guare. Wi ma guare. ¹² Ruje moacõri boga gua. Masa ña ñeñaro guare ña busitubojarocati, “Dios queno yijaro muare”, yire gaye rãca inare cudia gua. Guare ña usirioro ña yi codebojarocati inare gãmebea gua. ¹³ Guare ñeñaro ña busitubojarocati, usiriomenati ñajũare oca goti quenoa gua. Guare ti wanũbeama ña. Adi sita gãna ña ãmobitire, ña cõado robo bajiro guare tiama ña. Iti rãmũju cuni, adocãta cuni ñaro bajiroti guare ti teama ña.

¹⁴ Mua bojo bũjatoni meje ito bajiro muare uca yu. Yu rĩa yu mairã robo bajiro muare tñoïa yu. Ito bajiri muare goti riasogu adi muare uca yu. ¹⁵ Diez mil ñarã Jesús oca riasori masa ñabojarocati sīgũ ñami muare Jesús oca riasosũogu. Yu ña muare ca-

jero riasosuoacau. Ito bajiri maa jacu robo bajigu ña yu. “Jesucristore maa tuorũnaja, maaare masogũ yiguĩji Dios”, yu yija tuocõri, ãre tuorũnusuoacu maa. ¹⁶ Yu yiado bajiroti maa yitoni maaare josa yu.

¹⁷ Ito bajiro maa yire ãmoa yu. Ito bajiri Timoteore maa tu cõa yu. Ñ ñami mani Ujũre queno tuorũnugũ. Ito bajiri yu macure bajiro ãre tuo maia yu. “Cristore tuorũnugũ ñari ado bajiro ñasotiami Pablo”, maa yi masitoni maaare gotigu yiguĩji Timoteo. Jesucristore masirãre jeyaro yu riaso ucure gaye maaare goti rõtobugũ yiguĩji ã. ¹⁸ “Mani tu ejabicu yiguĩji Pablo. Ito bajiri mani ãmoro bajiroti yiana”, yi tuoãa wanũboja maa coriarã. ¹⁹ “Dios ã ãmoja, yoari mejeti maaare tigu wacu yigũja yu”, yi tuoãa yu. Maa tu yu ejaja, ito bajiro tuoãa wanũbojarãre tigu yigũja yu. Maa tu ejacõri, no bajiro ãna yija tigu yigũja yu. Ito yicõri, riti Dios ã masirisena ãna moaja ti ejagu yigũja yu. ²⁰ “ãre tuorũnarãre ã rotiroju miojugũ yiguĩji Dios”, mani yi masija, oca riti meje bũsirãji mani. Ñ ejabũarisena queno ãre moa ãsirã yirãji mani. ²¹ ¿No bajiro ãmoati maa? Ñeñaro maa yisotire maa jidicãbeja, “Quenabea maa”, ¿yu yi tũdi ejare ãmoatite maa? Ñeñaro maa yirise maa jidicãja, ¿maa tu ejacõri yu wanũrejuare ãmoatite maa?

5

Rocati romiare ajere quenabea, yi Pablo ã gotire gaye

¹ Sĩgũ maa rãca gagũ ado bajiro oca ruyuami: “ã jacu manojo rãca quenabeto aje ñayiju”, yire oca ruyua. Iti ña bũto ñeñaro yire. Gãjerãma

Diore masimena ñabojarãti itioniregorama yime-naji. ² Iti ñeñarise mña wato ï yi ñabojarocati, “Queno yirã ña gña”, ¿yi tuoïa wanabojati mña? Masa ñna godaja bojori bñjaro bajiro bojori bñja ñaraja mñare. Ñeñaro yigure ïre mña bucõaja quena. ³ Reco mña rãca ñabitibojagati, yñ tuoïarisena mña tñjñ ña yñ. Mña rãca ñabitibojagati, “Ado bajiro yiroja ï ñeñaro yirise waja”, yi masicã yñ. ⁴ “Ado bajiro ãmoami mani Ëjñ Cristo”, yirona mña minijuare ãmoa yñ. Ito bajiro mña minijua ñaroca yñ tuoïarisena mña rãca ñagũ yigñja yñ. Mani Ëjñ Jesucristo cñni ï masirisena mña rãca ñagũ yiguñji ï, “Ado bajiro gña yija quena”, mña yi tuoïatoni. ⁵ Minijuacõri ñeñaro yigure bucõaña mña, rñmña ãjñ Satanás ï ãmoro bajiro ïre ï yitoni. Ito bajiro mña yija, ï ãmoro bajiroti ï tõbñjaroca yigñ yiguñji Satanás ïre. Ito bajiro mña yija ï ñeñaro yirisere jidicãgũ yiguñji gajea. Ito bajiro ñeñaro ï yirise ï jidicãja, mani Ëjñ Jesucristo ï tñdi ejari rñmñ ïre masogũ yiguñji.

⁶ Ito bajiro ñeñarise mña wato ï yi ñaja, “Queno yirã ña gña”, yire ma mñare. Wadarise ãco jabeto mani wñoja, ñarocõti wñsa jediroja. Ito bajiroti ñeñaro yigñ mña wato ï wñsaja ñeñaro yirã riti ñarã yirãji mña. ¿Iti gayere masibeati mña? ⁷ Ito bajiri mña wato ñeñaro yigure bucõaña, gãjerã cñni ñeñaro ñna yibe yirona. ïre bajiro ñeñaro yibeama gãjerã maji. Ito bajiri ñeñaro yisñogñre bucõaja quena. Mani ñeñaro yirise waja, waja yirocñ manire yiari goda ïsiñi Cristo. Pascua basa menirã oveja macñre sñasotiamã ñna. ï robo bajiroti manire goda ïsirñ ñari, oveja macñ robo bajiro bajigñ ñami

Cristo. Ito bajiri mani ñeñaro yirise Cristo ñ waja yicãre ñajare, mani wato ñeñaro yirãre bucõaja quena. ⁸ Ñeñarisere camotadigorũa manire. Ito bajiro mani bajija naju wadarise uco wuoya mana robo bajirãji mani. Gãjerãre ti tudibitirũa manire. Ito yicõri jeyaro ñeñaro yirise jidicãcõri quenarise rioti yisotirũa manire.

⁹ Iti rũmũjũ mũare yũ papera cõasũocati ado bajiro mũare goticũ yũ: “Rocati romia ajerã rãca baba cõtibeja mũa”, yĩ mũare goti ñucacũ yũ iti rũmũjũ. ¹⁰ Ito bajiro yũ yicati, “Adi sita gãna Jesure masimenare camotadiya mũa”, yirocũ meje yicũ yũ. Ñna Jesure masimena rocati romiare ajerã ñama ñna. Jai bũsaro niyeru bũja ãmorã ruorã ñama ñna. Riniri masa ñama ñna. Ito yicõri ñna meni rujeorũre rãcũbũoama ñna. “Adi sita gãnare camotadiya”, yũ yija, adi sitare wagoboana mũa. “Ito bajiro yiba”, yirocũ meje yicũ yũ. ¹¹ “Ado bajirojũa yiba mũa”, yirocũ mũare goticũ yũ. “Jesure tũorũnũgũ ña yũ”, yibojagũti, rocati romiare ajegũ rãca baba cõtibeja. Jai bũsaro bũjarocũ ruogũre baba cõtibeja. Ñna meni rujeorũre rãcũbũorãre baba cõtibeja. Rocati ruocõri oca menigũ rãca baba cõtibeja. Mecũ jaigũ rãca baba cõtibeja. Ito yicõri, “Jesure tũorũnũgũ ña yũ”, yibojagũti rinire jaigũre baba cõtibeja, yirocũ mũare gotisũocũ yũ iti rũmũjũ. Ito bajiro ñeñaro yirã rãca baba cõtibeja. ¹²⁻¹³ Dios riti ñami Jesure tũorũnũmenare ñna ñeñaro yirise waja, waja seni masigũ. Maniama ñna ñeñaro yirise waja, waja seniri masa meje ñna mani. Ito bajibojarocati mani robo bajiro Jesucristore tũorũnũrã ñnabojarãti ñeñaro yirise ñna jidicã ãmobeja mani

bucõaja quena. Dios oca tuti iti gotija ado bajiro gotia: “M̃ua r̃aca gag̃u ñeñaro yigure bucõaña”, yi gotia Dios oca tuti.

6

Gãji Jesure masigũ r̃aca mani oca c̃utire gaye

¹ Gãji Jesucristore masigũ r̃aca m̃ua oca josaja, iti oca quenorona Jesure masimena oca quenori masa t̃u wabeja. Ado bajiroj̃ua m̃ua yija quena. Jesure masirã oca quenori masa t̃uj̃ua m̃ua waja quena. ² Mani Dios ñarã ï r̃acati adi sita gãnare beserã yirãji. ¿Itire masibeati m̃ua? Riti ï r̃aca beserã yirãji mani. Ito bajiri Dios r̃aca adi sita gãnare mani bese masija, oca jabeto iti ñaja queno masir̃uja manire. ³ “Ûmacũju ángel mesare Dios r̃aca beserã yirãji mani”, ¿yi masibeati m̃ua? Ñnare mani bese masija, adocãta mani wato oca jabeto ñarisere queno masir̃uja manire. ⁴ Ito bajiri m̃ua wato oca ñaja, Jesure masimena oca quenori masa t̃u wabeja. Ñnaõna t̃u m̃ua waja quenabea. ⁵ M̃ua bojo bujatoni itire m̃uare gotia ỹu. ¿M̃ua wato queno t̃uo masigũ Jesure t̃uor̃uñugũ oca quenori mas̃u ñabiquĩjida? Ñnaguĩji gajea. ⁶ Ito bajibojarocati gãji Jesure masigũ r̃aca m̃ua oca josaja, Jesure masimena oca quenori masa t̃u warãji m̃ua. Ito bajiro m̃ua yija quenabea.

⁷ Jesure masirã ñabobarãti m̃ua gãmeri tudija, “Jesure queno c̃udirã meje ñama ñna maji”, yi t̃uoĩagũja ỹu m̃uare. Gãjire m̃ua seti yija quenabea. S̃igũ m̃uare ñeñaro ï yibojarocati, m̃ua gãmebeja, itij̃ua ña buto busa quenarise. Gãji m̃uare ï rinija, riojoti tibojaja quena. Ñre gãmebeja. ⁸ Ito bajiro

yibesa mña. Mñamasiti ñeñaro yicõri mña ñarãre rinia mña.

9-10 “Dios ï rotirojũ ejamena yirãji ñeñaro yiri masa”, yi masicãrã ñaboja mña. “Ñeñaro yirã ñabojarãti Dios tũ ejarã yirãji mani”, yi tũoĩaboja mña. Ado bajiro ñeñaro yirã Dios tũ wamenaji. Tũote mña. Rocati romiare ajerã Dios tũ wamenaji. Ñna meni rujeorũre rãcũbũorã cũni wamena yirãji. Manojõ cũtirã ñabojarãti gãjerã romiare ajerã, ñna comasiti yirã cũni, riniri masa cũni, jai bũsaro bũjaronã rũorã cũni, mecũ jairã cũni, rocati socacõri rũo gotirã cũni, rini ucurã cũni Dios tũ wamenaji. “Ñna robo bajiro ñeñaro mani yibojarocati Dios tũ ejarã yirãji mani”, yi tũoĩabojabesa mña. ¹¹ Iti rũmũjũ ñna robo bajirã ñayija mña maji. Mña ñeñaro yirisere waja yi ecoana ña mña ñja. Ito bajiri Jesucristore tũorãncõri Dios ñnarã ña mña ñja. Espiritu Santona sũoriti Dios ñ boca ãmiana ña mani. “Ñna ñama quenarã. Yũre waja ruyuriobeama ñna”, Dios ñ yi tũoĩarã ña mani.

Mani ya rujũ Dios yeti ña, yire gaye

¹² Ado bajiro yama coriarã: “Rẽore ma guare. Gũa ãmoro bajiroti yi masia gũa ñja”, yama coriarã. Riti ña, ito bajibojarocati jeyaro mani yi ãmorise quenarise meje ña. Mani yi ãmorise gãjerãre iti ejabũabeja, yibitirũja manire. Mani ãmoro bajiro yi masirã ñabojarãti, ñeñaro mani yi yũabojarisere yibe yirona, mani ya rujũre rẽoja quena. ¹³ Gãjerã ado bajiro yama: “Jeraga mani sãroti ña bare. Bare sãñarijũ ña jeraga. Ito bajiro manire meniñi Dios”, yama gãjerã. Ito bajibojarocati, mani ya

jeraga, bare cuni ñatĩñaroti meje ña. Mani babojarise, mani ya jeraga cuni jediroca yigũ yiguĩji Dios ũmacũjũ. Gãjerã ado bajiro yibojama ña: “Romia rãca mani ajetoni rujũ manire ĩsiñi Dios”, yibojama ña. Ado robojũa bajaia: Mani Ũjũre mani moa ĩsitoni rujũ ña manire. ĩ ñami mani ya rujũre tirũngũ. ¹⁴ Mani Ũjũ Jesucristore tũdi catiroca Dios ĩ yiado bajiroti mani tũdi catiroca yigũ yiguĩji Dios. ĩ masirisena manire ãmi mũjagũ yiguĩji Dios.

¹⁵ Mani ya usijũ quedi sãjacõri mani ya rujũjũ ñaguĩji Cristo. “Ito bajiro bajiguĩji”, ¿yi masibeati mũa? ¿Mani ya usijũ ĩ ñabojarocati wedi maso rãca mani waja quenati? Meje, quenabetoja. Ito bajiri itire yibitirũja manire. ¹⁶ Sĩgũ wedi maso rãca ĩ ajeja co rujũ bajiroti rujũ cõtirã ñama ña. “Ito bajiro bajiroja”, ¿yi masibeati mũa itire? Dios oca tuti ado bajiro gotia: “Manojo cõtigũ co rujũ bajiroti rujũ cõtirã ñama ña”, yi gotia Dios oca tuti. ¹⁷ Sĩgũ Cristore boca ãmigũ ĩ ya usijũ ĩ quedi sãjaroca sĩgũ robo bajiro bajiamã ña jũarã.

¹⁸ Ito bajiri mũamasiti mũa ya rujũ ñeñaro iti tũoĩaro bajiroti ñeñaro yibesa. Gaje ñeñaro mani yirise mani ya rujũna meje ya mani. No ĩmasiti ĩ ya rujũ ñeñaro iti tũoĩaro bajiroti ñeñaro ĩ yija, ĩ ya rujũre ñeñogũ yami ĩ. ¹⁹ Manire Espĩritu Santo queo sãñi Dios. Ito bajiri Espĩritu Santo mani rãca ñami ĩja. Manire ĩ quedi sãjaja bero mani ya rujũti ñaroja ĩ ya wi ĩja. Mani ya rujũ Dios yeti ña. ¿Itire masibeati mũa? ĩ ñami mani Ũjũ. ²⁰ Ito bajiroti bajaia. ĩ ñarã mani ñatoni waja rũcũro manire waja yi ãmiñi ĩ. Mani ya rujũ, mani tũoĩarise cuni Dios yeti ña. Mani ya rujũna, mani ya usina cuni Dios ĩ

ãmore bajiro riti yiruja manire.

7

Manojo cutire gaye

¹ Paperana yure mña seniña ñucare adocãta itire cudigu ya yu. ¿Sĩgũ manojo macu ĩ ña ãmoja quena ñati? yure mña yi seniña ñucare, “Quena ña”, ya yu itire. ² Ito bajibojarocati, “Ĩna manojo cutibeja rocati ajerã yirãji gajea”, yi masicõri, “Ĩna manojo cutija quena”, ya yu. Romia cuni ĩna manuju cutibeja rocati ajerã yirãji gajea. Ito bajiri ĩna manuju cutija quena. ³ Manojo cuticõri iso ãmore bajiro cudija quena. Isojua cuni ito bajiroti manuju ĩ ãmore bajiro cudija quena. ⁴ Manuju cuticõri, “Yu ãmore bajiro yicoja yu”, yire ma romiore. Iso manuju yago ñamo iso ĩja. Manojo cuticõri, “Yu ãmore bajiro yicuja yu”, yire ma ãmugũre cuni. ĩ manojo yagu ñami ĩ ĩja. ⁵ Ito bajiri manuju cutirã, manuju ĩ yi ãmoja, “Yibesa”, yire ma romiore. Ñmugũre ito bajiroti, manojo iso yi ãmoja, “Yibesa”, yire ma ãmugũre. Diore rucubũorona, “Yibitiruja mani maji”, yi ĩna jũarãju ĩna tũoĩaja, quena ña. Diore rucubũo tiorã ĩna yisotiado bajiroti ĩna yija quena ña mncana. “Yoari ĩna yibeja ñemecuti masimenaji”, yi tũoĩagũ ñami Satanás. Ito bajiri yoari ĩna yibeja, gãjerã rãca ĩna aje ãmoroca yi codegu yiguĩji rãmua ujju.

⁶ Itire mñare rotirocu meje ya yu. Yu gotiro bajiroti mña yija, “Quena ña”, yirocu mñare ya yu itire. ⁷ Yumasiti yu tũoĩaja, yu bajiro riti mña bajija quena. Manojo macu ña yuama. Ito bajibojarocati sũgũ robo bajirã meje ña mani. Gãjerãre

Ĩna manojo cutiroca yami Dios. Gãjerãre manojo mana ñabojarãti ĩna wanuroca yami Dios.

⁸ Mũa manojo manare, manojo godagoanare cuni ado bajiro ya yu mũare: Yu robo bajiro manojo mana mũa ñacõaja quena ña. ⁹ Ito bajibojarocati sīgũ ĩ ñemecuti masibeja, manojo cutija quena. Sīgũ romiare bũto ĩ tũoĩaja, ĩ manojo cutija quena ĩocũre. Romio cuni mũmũgũre bũto iso tũoĩaja, iso manũju cutija quena isore.

¹⁰ Ado bajiro rotia yu mũare. Mũa manũju cuticãna gãmeri jidicãre ma. Iti ña mani Ʋju ĩ rotire. Yumasiti yu tũoĩa rujeore meje ña iti. ¹¹ Sīgõ manũju jidicãro iso ñaja, gãji manũju cutire ma isore. Iso manũju ñacãru rãca oca quenoja quena mũcana. Ito bajiroti mũmũgũ cuni ĩ manojo cutija, jidicãre ma.

¹² Adocãta yu tũoĩarisere mũare gotigu ya yu. Mani Ʋju ĩ gotigore meje ña iti. ĩ cũru ñari ado bajiro gotia yu: Mũa coriarã Jesure masimena rãca manojo cutirã ñarãji mũa. Mũa manojosãromia mũa rãca ĩna ña jidicã mũmobeja, jidicãre ma mũare. ¹³ Mũa coriarã Jesure masimena rãca manũju cutirãji mũa. Mũa manũjusabatia mũa rãca ĩna ña jidicã mũmobeja, jidicãre ma mũare. ¹⁴ Mũa manũjusabatia Jesure masimena ñabojarãti mũare ĩna manojo cutija, ĩnare cuni ti maigũ yiguĩji Dios. Dios mũare ĩ queno yiado bajiroti mũa manũjusabatiare cuni queno yigu yiguĩji Dios. Ito bajiroti mũa manojosãromiare Jesucristore masimena ñabojarãti ĩnare ti maigũ yiguĩji Dios. Mũa rĩare cuni ti maigũ yiguĩji Dios. Jesure tũorãnrã mũa ñajare, mũa rĩare cuni queno yigu yiguĩji Dios.

“Yure t̄or̄un̄mena r̄ia meje ñama”, yi t̄oĩac̄õri m̄ua r̄iare c̄uni queno yiḡu yiguĩji Dios. ¹⁵ S̄iḡũ Jesure masiḡũ ã manajo Jesure t̄or̄un̄abeco ñari iso jidic̄ã ãmoḡõ iso josaja, jidic̄ãja quena. S̄iḡũ m̄ua man̄j̄u Jesure masibic̄u ñari ã jidic̄ã ãmoḡũ ã josaja, jidic̄ãja quena. Ñe oca manoti queno mani ñare ãmoḡuĩji Dios. Ito bajiri jidic̄ã ãmorã ãna josaja, ãnare mai c̄ubeja quena. ¹⁶ “Jesure masiḡõ ȳu ñajare ȳu r̄ãca ã ñaja, Jesure boca ãmiḡũ yiguĩji ã c̄uni”, yi t̄oĩa masibea m̄ua. “Jesure masiḡũ ȳu ñajare ȳu r̄ãca iso ñaja, Jesure boca ãmiḡõ yiḡõji iso c̄uni”, yi t̄oĩa masibea m̄ua.

¹⁷ Mani ñaroto bajiroti manire c̄uñi Dios. Jesure boca ãmic̄õri mani ñas̄uoado bajiroti mani ñaja quena. No Jesure t̄or̄un̄nr̄ã ãna minijuaja, ito bajiro gotisotia ȳu ãnare. ¹⁸ S̄iḡũ wiro tagor̄u Cristore ã boca ãmija, “Bujato bajia wiro tagor̄u ña ȳu”, yire ma. S̄iḡũ wiro taya mac̄u Jesure ã boca ãmija, ã ñado bajiroti ã ñaja quena. ¹⁹ Wiro tana mani ñaja, taya mana mani ñaja c̄uni, no yibea. Ñasarise meje ña. Ado roboj̄ua bajia ñasarise: Dios ã ãmoro bajiro mani yija, iti ña ñasarise. ²⁰ Cristore boca ãmic̄õri mani ñas̄uoado bajiroti mani ñaja quena. ²¹ Gãjerãre moa ãsi ñarã Jesure m̄ua boca ãmija, “Bujato bajia ãna jos̄u ña ȳu”, yire ma m̄uare. Ito bajibojarocati m̄uaj̄uare ãna buc̄õa ãmoja budija quena. ²² Gãjerãre moa ãsi ñarã Jesure m̄ua boca ãmija, m̄ua ūj̄u josa meje ña m̄ua adocãta. Cristo ñami m̄ua ūj̄u adocãta, ito yic̄õri ãre moa ãsirã ña m̄ua ãja. Gãjerãre moa ãsirã meje m̄ua ñaja, Cristore boca ãmic̄õri, adocãta Cristore moa ãsirã ña m̄ua ãja. ²³ ã ñarã mani ñatoni waja r̄uc̄ur̄isena manire waja yi

ĩsiñi Dios. Ĩ sĭgũti ñami mani Ʋjũ. Ito bajiri adocãta ĩre moa ĩsia mani. Ĩ ãmoro bajiro riti yirũja manire. Adi macãrũcũro ñeñaro yire mani yitoni gãjerã ĩna yi codebojaja ĩnare cudibitirũja manire. ²⁴ Tũoya yũ ñarã mũa. Cristore boca ãmicõri, mani ñasũoado bajiroti mani ñaja quena. Ito yicõri Diore mani tũorũnũsotija quena.

²⁵ “Manũjũ mana, manoyo manare cũni, ado bajiro rotiami mani Ʋjũ”, yire ma yũre. Ito bajibojarocati yũ tũoĩarise mũare gotigũ ya yũ. Yũre ti maicõri ĩ cũrũ ñari bũsia yũ. Ito bajiri yũre mũa tũorũnũja quena. ²⁶ Ado bajiro tũoĩa yũ: “Adi rũmũri ñare gaye josari ña. Ito bajiri mũa manoyo mana mũa ñado bajiroti ñaja quena”, yi tũoĩa yũ. ²⁷ “Mũa manoyo cuticãrã jidicãre ma ĩja. Mũa manoyo mana ñarã ãmabeja quena”, ya yũ mũare. ²⁸ Ito bajiro yũ yibojarocati, sĭgũ ãmũgũ ĩ manoyo cuti ãmoja, ito yicõri romio cũni iso manũjũ cuti ãmoja, ĩna manũjũ cutija ñeñaro yirã meje yama ĩna. Manoyo cutirã bũto oca ña codero bajiro usirioro bũjarã yirãji. Iti mũare bajibe yirocũ iti mũare goti camota yũ. Adi rũmũri josari ña manire. Ito bajiri manoyo cuticõri, manũjũ cuticõri bũto bũsa josari ñaro yiroja mũare.

²⁹ Tũoya yũ ñarã mũa. “Nocõ mejeti rũya manire”, yirocũ iti mũare gotia yũ. Mũa manoyo cutirã, manoyo mana bajiro Diore moa ĩsiña. ³⁰ Mũa godago ecoana, godago ecobitiana bajiro ĩre moa ĩsiña. Mũa basa ñarã, basamena bajiro Diore moa ĩsiña. Mũa gajeoni bũjarã, “Iti ña yũ ye”, yimenati Diore moa ĩsiña. ³¹ Mũa adi sitajũre queno bũjarã, queno bũjamena bajiro Diore moa

ĩsiña. Adi sita gaye mani tirise jedi waju.

³² Tuoĩa usiriomenati mua ñare ãmoa yu. Sĩgũ manojos macu mani Uju ye moarocu, tuoĩagũ yiguĩji ĩ. Mani Uju ĩ wanutoni tuoĩagũ yiguĩji ĩ. ³³ Manojos cutigu ĩ manojos queno ñatoni adi sita gayere tuoĩagũ yiguĩji. Ito yicõri ĩ manojos wanutoni tuoĩa usirioyu yiguĩji. ³⁴ Diore moa ĩsire, manojore moa ĩsire juaji tuoĩare gaye ñaroja ĩre. Manuju cutigo, manuju maco cuni ito bajiroti bajirãji ĩna cuni. Manuju maco ito bajiroti mani Ujure moa ĩsiroco tuoĩa usirioyo yigõji. “Yu ya rujuña, yu ya usina cuni Diore moa ĩsigõ yigoja yu”, yi tuoĩagõ yigõji iso. Manuju cutigoama iso manuju queno ñatoni adi umuari gayere tuoĩa usirioyo yigõji. Ito yicõri iso manuju wanutoni tuoĩa usirioyo yigõji.

³⁵ Mhare reorocu meje iti gotia yu. Mua queno ñatoni itire gotia yu. Mua queno yi ñare ãmoa yu. “Mani Uju Jesucristore riti moa ĩsigũ yiguja yu”, yi mua rucubore ãmoa yu.

³⁶ “Yu manojos ñaroco bucucacoamo ĩja. Butoguti isore amocõa yu. Ito bajiri ñemecuti masibeas yu”, yi tuoĩacõri sũgũ ĩ manojos cutija quena. Ito bajiro ĩ amogõre ĩ manojos cutija, ñeñaro yigu meje yami ĩ. ³⁷ Gãjiama, “Manojos macu ñagũ yiguja yu”, yi tuoĩacõri ĩ tuoĩaro bajiro ĩ manojos cutibejas quena. “Manojos macu ñabojaguti ñemecuti masias yu”, ĩ ya usiju ĩ yi tuoĩa masija, manojos macu ĩ ñaja quenaña ĩocũre. ³⁸ Sũgũ ito bajiro buto ĩ amogõre ĩ manojos cutija queno yami. Ito bajibojarocati gãjiama ĩ manojos cutibejas queno busa yami ĩ.

³⁹ Sũgõ manuju cuticãro, manuju ĩ catiroca riti gãji rãca manuju cutire ma isore. Iso manuju godagoja,

gãji iso ãmogũ rãca iso manujũ cutija quena ña. Gãji Jesure masigũ rãca iso manujũ cutija quena. ⁴⁰ Ito bajibojarocati mũcana tũdi iso manujũ cuti ãmobeja, “Bũto bũsa wanũgõ yigõji iso”, yi tũoĩa yũ. “Espíritu Santo yũre ã ejabũajare, ito bajiro bũsia yũ”, yi tũoĩa yũ.

8

Ĩna meni rujeoanare ecare gaye

¹ ĩna meni rujeoanare rũcũbũorã waibũcũrã sĩacõri ecare gaye mũare bũsigũ ya yũ adocãta. “Itire mani baja, quena ña. Ñeñaro yibea mani”, yi masi jedirãji mũa. Ito bajibojarocati, “Gãjerã rẽtoro masirã ña gũa”, mũa yibojaja, masirã meje ña mũa. Gãmeri mani ti maija itijũa ña ñasarise. Gãmeri mani ti maija, gãmeri tũoĩa oca sẽoroca yirãji mani. ² “Queno masigũ ña yũ”, sĩgũ ã yibojaja, queno masigũ meje ñami ãocũ. ĩ masiriseonijũare masibeami ĩ. ³ No Diore ti maigũre, ĩre ti masicõri ĩre maigũ yiguĩji Dios.

⁴ ĩna meni rujeoanare waibũcũ sĩacõri ĩna ecare gaye mũare bũsigũ ya yũ. “Masa ĩna meni rujeoana ñasarã meje ñama”, yi tũoĩa mani. “Dios sĩgũti ñami ñasagũ”, yi tũoĩa mani. ⁵ Adi sita gãna Diore masimena ĩna gotija, “ũmacũjũ, jacajũ cũni mani rũcũbũorona ñama ĩna. Jãjarã ñarãji mani rũcũbũorona, mani ɸjarã”, yi tũoĩabojama Diore masimena. ⁶ Ito bajiro ĩna yi tũoĩabojarocati, jãjarã meje ñama mani rũcũbũorona. Dios mani Jacũ sĩgũti ñami mani rũcũbũosarocũ. ĩti ñami jeyarore rujeorũ. ĩre moa ĩsirona ña mani. Sĩgũ ñami mani

Ëjũ. Ĩ ñami Jesucristo. Ĩna sũoriti jeyaro ña. “Mani cãni ĩna sũoriti ña”, yi tũoĩa mani.

⁷ Ito bajiro mani yi tũoĩabojarocati gãjerã Jesure masirã ñabojarãti masimenaji iti gayere. Jesure ĩna masiroto riojũa ĩna meni rujeoanare rũcũbuorã ñayijarã ĩna maji. Ito bajiri, “Masa ĩna meni rujeorũre bare ĩna ecare mani baja, quenabetoja manire, ñeñaro ya mani”, yi tũoĩarãji ĩna. Ito bajiro tũoĩabojarãti ĩna baja, tũoĩa oca sẽomena yirãji ĩna. Ito yicõri queno Diore cãdimenaji ĩna. ⁸ Mani baja, mani babeja cãni ñasarise meje ña iti Dios ĩ tija. “Itire mani babeja, manire ti wanũgũ yiguĩji Dios”, yire ma. Ito yicõri, “Itire mani baja, manire ti wanũbicũ yiguĩji Dios”, yire cãni ma. ⁹ “Mani baja, mani babeja cãni no yibea”, yi masibojarãti mani baroto riojũa queno tũoĩaja quena. Itire mani baja ticõri, “Diore masibojarãti queno cãdibeamã ĩna”, yi tũoĩagũ yiguĩji Jesure tũorũnũsũogũ gajea. Ito bajiro tũoĩa wisacõri Jesure tũoĩa jidicãgũ yiguĩji. ¹⁰ Ado bajiro rẽtaroja gajea. Sĩgũ Jesure tũorũnũsũogũ ĩna meni rujeorũre ĩna ecare mani baja tigũ yiguĩji gajea. Itire mani baja, “Quena ña. No yibea”, yi tũoĩa mani. Ito bajibojarocati ĩjũama masibiquĩji itire. Mani baja ticõri, “Yũ baja quenabetoja”, yi tũoĩabojaguti bagũ yiguĩji ĩ cãni. ¹¹ “Rẽore ma”, yi masibojarãti mani baja, Jesure tũorũnũsũogũ ĩ tũoĩa jidicãroca yirã yirãji gajea mani. ĩre yiari cãni goda ĩsiñi Cristo. Mani baja ticõri, Jesucristore jidicãgũ yiguĩji. Ito bajiri, “Rẽore ma”, yi masibojarãti babitirũja manire. ¹² Itire mani baja ticõri, sĩgũ Jesure tũorũnũsũogũre ĩ tũoĩa wisaroca yirãji mani. Ito bajiro mani yija ĩre riti

meje ñeñaro ya mani. Cristore cuni ñeñaro yirã ya mani. ¹³Ito bajiri waibucy yu baja ticõri sīgũ Jesure t̃orũnũsũogũ ĩ t̃oĩa wisaroca yu yija, waibucy ri babitirujã yure. Jesure ĩ t̃oĩa jidicãroca yibe yirocũ itire babitirujã yure.

9

Jesucristo ĩ cũana ñari, “Ado bajiro yiana mani”, ña yire gaye

¹ Yu ãmoro bajiro yi masibojaguti Jesucristo ãmoro bajiro cudirocũ ña yu. ĩ oca yu goti ucutoni yure cũni Dios. ĩre moa ĩsigũ mũare riasocũ yu. “Pablo ĩ riasorisere t̃ocõri, Jesure t̃orũnũsũocũ mani”, yi t̃oĩarãji mũa. ² “Jesús ĩ cũru meje ñami Pablo”, yirã yirãji gajea gãjerã. Yu riasorisere t̃ocõri Jesure t̃orũnũcũ mũa. Ito bajiri itina, “Jesús ĩ cũru ñami Pablo”, yi t̃oĩarã yirãji mũa.

³ “Jesús ĩ cũru meje ñami Pablo”, ña yija, ado bajiro cudia yu: ⁴ Jesús ĩ cũru ña yu. Ito bajiri yu riasore waja yure ña ecaja, yure ña ioja cuni boca ãmire ña yure. ⁵ Gãjerã Jesús ĩ cũana masare riaso ucurã ña waja, ña manojosãromia rãca wa ucuama. Ito bajiroti ña manojosãromia rãca riaso ucurã wama Jesús ocabaji mesa, ito yicõri Pedro cuni. ĩna manajo cutiado bajiroti sīgõ Jesure t̃orũnũgõ rãca yu manajo cuti ãmoja, manajo cuti masia yu cuni. ⁶ Jesucristo oca goti ucuri masa ña ña masitoni jeyaro ejabũa mũa ñareama. “Bernabé, Pablo rãca Jesucristo oca goti ucurã ña ña masitoni ña moaja quena”, ¿yi t̃oĩati mũa guareama? ⁷ Gãjerãre moa ĩsirã ñari waja bũjarã yirãji surara. Rocati ñamena yirãji. Ũyé

otegu iti ricare bagu yiguñji. Oveja coderi masu caní ñna ya òjegõa bijecõri idigu yiguñji ï. ⁸ Iti yu gotirise, “Ï tũõiarise busiami Pablo”, ¿yi tũõiatu ma yure? Bajibea. Ito bajiroti gotia Moisés ñayoru ï rotire caní. ⁹ Dios rotirise ucagu ado bajiro ucañi Moisés ñayoru: “Ta wecu trigo ajere ï wi cãda codaja, ‘Bajaro ï caní jabeto’, yirona ï ya rise sia biabesa”, yi gotia Dios oca tuti. Ta wecu ï batoni tũõia usiriogu meje itire yiñi Dios. ¹⁰ Guã ï oca riaso ucurãre tũõiacõri ito bajiro gotiñi Dios. Guare masa ejabuatoni itire gotiñi ï. Weseca moagã, trigo ajeri codagu caní, “Ito bajiro bujagu yigãja yu”, yi tũõia wanucõri moama ñna. ¹¹ Dios oca mare riasosõorã, wesecaju oterã bajiro moacu guã. ¿Weseca oteri masa ñna bujado bajiro mare guã bujaja, no bajirojada? ¿Guã riasore waja guare ma ejabuaja, no bajirojada? ¹² Gãjerã Dios oca mare riasoanare ñna ñatoni ñna ãmorise ïsiyija ma. Ñnare ma ïsija, guã mare riasosõoanajmare queno busa ma ïsija quena. “Mare riasocu guã. Ito bajiri guã ñatoni guã bojoro bujarise ïsiña”, yi tũõiabojarãti mare senibiticu guã.

Ado robojua bajicu guã. Guare bare manija, yutabujuri manija, riojoti ñemecuticu guã. “Cristo oca mani riasoroca ñnare mani senija, ï ocare boca ãmimenaji ñna”, yi tũõiacõri mare senibiticu guã. Riojoti ñemecuticu guã. ¹³ Judio masa ñna minijuara wi ñna moaja iti wi gayeti bocatirãji. Ado bajiro bajia iti. Diore rãcubõrona ñna menira casabo waibucurã sãacõri ñna soeriseti bama itiju moari masa. Itire masia ma. ¹⁴ Ito bajiroti bajia Cristo oca riasorãre caní. Ñna riasore waja ñna riasoana

ĩnare ejabuaja quena. Ito bajiro rotiĩni mani Ʋjũ Cristo. ¹⁵ Mũare seni masibojagũti coji mũare senibiticũ yũ. Adi yũ mũare ucarise cũni yũre mũa ĩsitioni meje uca yũ. Nĩocõ goda wabojagũti mũare senibiticũ yigũja yũ. “Senibiticũti masare riasocũ yũ”, yĩ tũoĩacõri wanũa yũ.

¹⁶ “Ʋre tũorũnũrãre masogũ yiguĩji Cristo”, yũ yĩ masare riasoja, “Queno yigũ ña yũ”, yĩ tũoĩabea yũ. Ito bajiro yũ goti ucutioni yũre cũĩni Jesucristo. Masare ĩoca yũ riasobeja, quenabeto rẽtaroja yũre. Iti yũ riasobeja, wanũbicitũ yigũja yũ. ¹⁷ Waja bũjarocũ yũ riasoja, “Waja bũjagũ yigũja yũ”, yĩ-bogũja yũ. Ito bajiro meje baja. Yũ tũoĩarise meje riasoa yũ. Dios ĩ yũre cũado bajiroti riasoa yũ. ¹⁸ Ado robojũa baja yũ waja bũjarise. Masare waja senibiticũti, “Ʋre tũorũnũrãre masogũ yiguĩji Dios”, yĩ riasoa yũ. Waja bũjarocũ meje ĩocare riasoa yũ. Itire masicõri wanũa yũ. Iti ña yũ bũjarise. “Mũare yũ riasore waja yũre mũa ĩsija quena”, yĩ masibojagũti mũare senibiticũ yũ.

¹⁹ Gãjire moa ĩsiri masũ meje ña yũ. Ito bajibojarocati mũa jeyarore moa ĩsigũ bajiro ña yũ. Jãjarã bũsa Jesucristore tũorũnũjaro, yirocũ ito bajiro moa yũ. ²⁰ Judio masa rãca yũ ñaja, ĩnare bajiroti ña yũ cũni. Jesure ĩna tũorũnũre ãmogũ ito bajiro ya yũ. Moisés ñayorũ rotire cũdirã rãca yũ ñaja, ĩna robo bajiroti ña yũ. Itire cũdibitirocũ ñabojagũti Jesure ĩna tũorũnũre ãmogũ ĩna bajiroti ña yũ. ²¹ Gãjerã Moisés ñayorũ rotire cũdimena rãca yũ ñaja, ĩna bajiroti ña yũ. Ito bajibojarocati, “Dios ĩ rotire cũdigũ meje ña yũ”, yĩbea yũ ĩnare. Jesure ĩna tũorũnũre ãmogũ ito bajiroti ya yũ. Cristore cũdigũ ñari Dios

ĩ rotire ña yu cadiroti. ²² Jesucristore tuorãnuoruã rãca yu ñaja, ñna bajiroti ña yu. Ito bajiro ya yu bũto busa Jesucristore ñna tuorãnutoni. No masa rãca yu ñaja, ñna rãca gagũ bajiro ya yu. Ito bajiro ya yu, “Ĩre tuorãnurãre masogũ yiguĩji Cristo”, yi yu riasore tuocõri Cristore ñna boca ãmitoni. ²³ “Ĩre tuorãnurãre masogũ yiguĩji Cristo”, yire gaye masa ñna tuo jeditoni iti gayere moa yu. Jesucristore boca ãmicõri masa ñna wanũre ti ãmogũ itire moa yu.

²⁴ Masa ñna ũmaquedija, sĩgũ ruayabeto ũmaquedicã. Ito bajibojarocati sĩgũti ñaquĩ ejasũogũ. Ĩ ñaquĩ ejasũore waja, waja bujagu. Itire masia mũa. Cajero ejasũorocũ ĩ ũmaquedisũoado bajiro Diore queno moa ĩsiña mũa. Dios tu bujarona ĩre queno moa ĩsiña mũa. ²⁵ No cajero ũmaquedi rãtocũ ãmorã dise ñna ya rujuĩri ñeñorise gayere rãoama ñna. Ito bajiro josari moama ñna jũ suara bedo nocõ mejeti jogari bedore bujarona. Maniama jogabiti gayere bujarona bũto Diore moa ĩsia. ²⁶ “Ado bajiro yu yire ãmoguĩji Dios”, yi tuoĩa masicõri, Diore moa ĩsia yu. Sĩgũ rocati ĩ roca wũebojaro bajiro meje ya yu. “Ado bajiro ãmoguĩji Dios”, yi masibiticõri meje ĩre moa ĩsia yu. ²⁷ Ado robojuã baja. Diore moa ĩsi ãmogũ ñari, yu ãmorise meje ya yu. Yu ya rujuũ ñeñaro iti tuoĩabojarocati ito bajiro yibeã yu. Yu ya rujuũre rãocõri Diore riti moa ĩsia yu. Ito bajiro yu ya rujuũre yu rãobeja, masare Dios oca riasoru yu ñabojarocati, “Queno yicũ mũ”, yi boca ãmibiquĩji Dios yũre.

10

Masa ñna meni rujeoruũre rãcũbuobesa, yire gaye

¹ Tuoŷa yu ñarã muu. Mani ñicusabatiare ñna wa masi jeditioni ide buerina ñnare ñoyijũ Dios. Riaca jajosa Ide Sũarise wame cutirisa ñna jẽa masi jediroca yiyijũ Dios. Itire tuoĩa ãcabojabesa muu.

² Moisés ñayorũre tuorũnucõri ide buerire suya wayijarã ñna. Ito yicõri riaca jajosa jẽayijarã ñna. Moisés ñayorũre tuorũnucõri ñre suya jediyijarã ñna.

³ Ũmacũju gaye maná wame cutirise Dios ñ queore ba jediyijarã ñna. ⁴ Ñna idi catitoni gũtagã ide budiroca yiyijũ Dios. Iti gũtana suoriti meje catiyijarã ñna. Cristo ñnare tirũnũjare catiyijarã ñna. No ñna waroti ñnare tirũnũsotiyijũ Cristo. ⁵ Ito bajibojarocati ñna jãjarã Diore cudibisijarã. Ñna cudibeja ticõri, ñnare wanũbisijũ Dios. Ito bajiri Diore ñna cudibitire waja yucu manojũ goda jediyijarã ñna.

⁶ “ Ito bajiro rẽtayijũ ñnare’, yi masibojarãti mani ñeñaro yi ãmoja, ito bajiroti rẽtaroja manire canĩ”, mani yi tuo gũija quena. ⁷ Ito bajiri ñna meni rujeoana ñna rũcũbuoado bajiro rũcũbuobesa muu. Jeyaro ñnare bajigore gaye Dios oca tuti iti gotija, ado bajiro gotia: “Ba rujiyijarã. Ito yicõri jiarise idiyijarã ñna. Ito yicõri ñna meni rujeorũre rũcũbuorona basayijarã ñna”, yi gotia Dios oca tuti. ⁸ Rocati romiare ñna ajeado bajiro yibitirũja manire. Ito bajiro ñeñaro yicõri veintitrẽs mil ñnarã co rãmũti goda jediyijarã ñna. ⁹ “Mani ñeñaro yibojarocati manire waja senibiquĩji Dios”, yi mani ñicusabatia ñna yibojado bajiro yibitirũja manire. Ito bajiro ñeñaro yicõri ãña ocana jãjarã godayijarã ñna. ¹⁰ Diore ñna busitu ñado bajiro yibitirũja manire. Ito bajiro ñna yijare, sĩgũ ángel jãjarãre ñ sĩa batetoni cõayijũ Dios.

11 Jeyaro mani ñicʉsabatiare rētagore oca ña jedia Dios oca tutijɯ. Mani Jesús ĩ ejarotire tʉoĩa yurā, mani tiroti ña iti oca. Īnare bajiro ñeñaro mani yibititoni, Dios oca tutijɯ ña iti oca. Īnare bajiro mani yija, tōbɯjarā yirāji mani cʉni. 12 No “Ñeñaro yibicɯja yɯ”, yɨ tʉoĩabojaguti, ñeñaro yigɯ yiguĩji gajea. Ito bajiri ñeñaro yibe yirocɯ queno ĩ tʉoĩaja quena. 13 Manire riti mani ñeñaro yitoni meje ʉsirioro yɨ codeami rāmúa ɯjɯ. Mani riojɯa gānare cʉni, masa jeyarore cʉni ʉsirioro yɨ codeami ĩ. Manire ĩ ʉsirioro yɨ codebojarcati, mani ñeñaro yibititoni Diore mani tʉorūnɯja, manire ejabɯagɯ yiguĩji ĩ. “Mɯa ñeñaro yibititoni mɯare ejabɯagɯ yigɯja yɯ”, Dios ĩ yiado bajiroti manire ejabɯagɯ yiguĩji ĩ. Rāmúa ɯjɯ Satanás bʉto ʉsirioro manire ñeñaro ĩ yɨ rotibojarcati, Diore mani tʉorūnɯja, itire mani ñemecʉtiroca yigɯ yiguĩji Dios manire. Mani ñeñaro yɨ āmorise mani yibititoni manire ejabɯagɯ yiguĩji Dios.

14 Ito bajiri yɯ ñarā mɯa, ĩna meni rujeorɯre rʉcɯbɯobesa mɯa. 15 Yɯ bʉsirisere tʉo masirā ña mɯa. “Riti gotiami Pablo”, yɨ tʉoĩarā ña mɯa. 16 “Queno ya Dios mɯ. Gɯa ñeñaro yirise waja, waja yɨ ĩsirocɯre mɯ Macɯ Cristore cōayija mɯ”, yicōri ɯyé ide bato idia mani. Itire tʉoĩarā, “Yucʉtēojɯ manire yiarɨ goda ĩsiñi Cristo”, yɨ tʉoĩa jedia mani. Cristo ya rujɯre tʉoĩarā, najure bato ba mani. “Yucʉtēojɯ manire yiarɨ goda ĩsiñi Cristo”, yɨ tʉoĩa jedicōri bato ba mani. 17 Jājarā ñabojarāti sīgɯre bajiro riti tʉoĩarā ña mani. Jesure tʉoĩarā najuro corona bato ba mani. Ito bajiro yicōri Cristore riti tʉorūnɯa mani. Sīgɯre bajiro riti tʉoĩarā ña mani. Ito bajiri

jājarã ñabojarãti co ruja robo bajiro bajirã ña mani.

¹⁸ Israel sita gānare tuoitate mua. Īna ñeñaro yirise waja, waja yirona waibucu ri soerãji ĩna Diore rucubuoã. Sīgũre bajiro riti tuoĩacõri ĩna soe ĩsirere barãji ĩna. ¹⁹ “Masa ĩna meni rujeore rucubuoja quena ña”, yirocu meje ya yu itire. Ito yicõri, “Īna meni rujeore waibucu ri ĩsire gaje waibucu ri rētoro ñasarise ña”, yirocu meje ya yu itire. ²⁰ Ado bajirojua muare yirocu ya yu: Diore masimena ĩna meni rujeore ĩna ecaja, Diore ecarã meje yama ĩna. Rãmúare ecarã yama ĩna. Ito bajiri ĩna rãca baba cuticõri mua baja rãmúare rucubuoã bajiro yirãji mua. Ito bajiro mua yire amobea yu. ²¹ Rãmúare mani cudija, Jesús mani Ũjare cudirã meje ña mani. Ito bajiro mani yija, Jesure tuoĩarã idisusare gaye uyé ide idibitiruja manire. Ito yicõri Jesure tuoĩarã basusare gaye babitiruja manire.

²² “Yu ñarã ñabojarãti rãmúre cudiana ĩna”, Jesús ĩ yi junisiroca yibitiruja manire. Ī rētoro masirã meje ña mani.

Mani gãmeri ti maija quena, yire gaye

²³ “Dios ĩ rēobeja mani amoro bajiro mani yija quena”, yi tuoĩama gãjerã. Ito bajiro ĩna yi tuoĩabojarocati ado bajirojua ya yuama. Jeyaro mani yi amoro bajiro mani yibojarocati queno ejabubetoja manire. Mani amoro bajiro mani yija, Jesure tuorũnũogũ ĩ tuorũnũ jidicãroca yirã yirãji gajea mani. ²⁴ Mani queno ñaroti gaye riti tuoĩabitiruja manire. Gãjerã ĩna queno ñatoni, ĩnare ejabuarona tuoĩaruja manire. Jesure tuorũnũ jidicãbitijaro ĩna, yirona tuoĩaruja manire.

25 Waibucɥ ri ĩna ĩsirijɥ waja yicōri mɥa baja quena. “Ĵĩna meni rujeorɥre ecagore meje ñati adi?” yi seniĩabesa. Riojoti waja yicōri mɥa baja quena. 26 Adi sita gaye jeyaro Dios ĩ rujeore ña. Ito bajiri disejɥa rɥyabeto ĩ ye riti ña. ĩ rujeore iti ñajare, mani baja quena.

27 Sĩgɥ Jesure tɥorɥnɥgɥ meje ñagɥ, “Yɥ tɥ barã waya”, ĩ yija, ĩ ecaro bajiroti baja quena. “Ĵĩna meni rujeorɥre ĩna ecagore meje ñati?” yi seniĩamenati baja quena. 28 Gãji itire ba gũigɥ, “ĩna meni rujeorɥre ĩna ecagore ña adi”, ĩ yi goti masioja, babeja itire. Itire mɥa baja ticōri, ĩ tɥoĩarisejɥ tɥoĩa bɥjatobicɥ yiguĩji ĩ. “Ñeñaro yama ĩna”, yi tɥoĩacōri bɥjatobicɥ yuguĩji. Ito bajiri Jesure ĩ jidicãme yirona, babeja itire. 29 “Jeyaro waibucɥ ri mani baja quena ña”, yi tɥoĩabojarãti, “Iti gaye mani baja quenabea”, gãjerã ĩna yi tɥoĩarisere babitirɥja manire.

Mɥa coriarã ado bajiro yirã yirãji gajea: “Itire baja quenabea”, gãjerã ĩna yi tɥoĩabojarocati, Ĵitire ba jidicãgɥ yigɥjada yɥ? yi tɥoĩarãji mɥa coriarã. 30 Gaje ado bajiro yirãji mɥa: Yɥ baroto riojɥa, “Queno ya Dios mɥ”, yɥ yibojarocati gãjerã, “Babitirɥja mɥare”, yi codebitirɥja ĩnare, yirãji mɥa. 31 Ado robojɥa baja: No mani bariseti, mani idirise, mani moarise cɥni Diore masa ĩna rãcɥɥoroca yirɥja manire. 32 Gãjerã ĩna ñeñaro yi ãmoroca yibe yirona, quenarise riti yirɥja manire. Judio masa, judio masa meje cɥni Jesure tɥorɥnɥrãre cɥni ĩna ñeñaro yi ãmoroca yibitirɥja manire. 33 Yɥama ado bajiro tɥoĩa yɥ: Jeyaro yɥ yirise masa ĩna ti wanɥ jedire ãmoa yɥ. Sĩgɥti

queno yu ñaroti gayere tũoĩabea yu. Jesure ñna tũorũnũre ãmogũ ñna queno ñaroti gayejũare tũoĩa yu. Jeame ũjũroju ñna wabore ñaroca ñnare Dios masore ãmoa yu.

11

¹ Cristo ñ yiado bajiroti ya yu cũni. Ito bajiri yu yiro bajiroti yiya mũa cũni.

Mani minijuaja romia ado bajiro ñna yija quena, yire gaye

² Tũoya yu ñarã mũa. Mũare yu riasocaire yiro robo yirã ñna mũa. Ito bajiri yũre mũa ãcabojabejare mũare queno wanũa yu. ³ Gaje mũa tũo masire ãmoa yu. Ado bajiro bajia iti. Manoyo cutigu ñ manojo rijoga ñami ũmũgũ. Mani ũmũa rijoga ñami Cristo. Ito bajiroti Cristo rijoga ñami Dios. ⁴ Sĩgũ minijuara wijũ ñ ya rijoga bũagũ Diore ñ senija, Dios oca ñ bũsija cũni, Diore rũcũbũobicsũ bajiro yami ñocũ. ⁵ Minijuara wijũ sĩgõ rijoga bũabeco Diore iso senija, Dios oca iso riasoja cũni, iso manũjũre rũcũbũobeco bajiro yamo iso. Rijoga iso bũabeja, joa suagoro bajiro bajigõji iso. ⁶ Sĩgõ iso rijoga bũa ãmobeja, cojisiti joa sua jeocõja quena isoõcõreama. “Rijoga joa suagoja bojo ña yu”, yi iso tũoĩaja, rijoga iso bũaja quena. ⁷ Mani ũmũare minijuara wijũ rijoga bũare ma manire. Ñ robo bajigũ manire rujeoñi Dios. Manimasi gãmeri ticõri, “Queno masigũ ñami Dios”, yi tũoĩa mani. Ito bajiri ñre wanũcõri ñre rũcũbũoa mani. Romiama mani ũmũare rũcũbũorã ñama. Ito bajiri, “Ũmũare rũcũbũoa gũ”, yirona rijoga ñna bũaja quena. ⁸ Ado robojuã bajia: Ũmũgũre rujeogũ romio ya

gõana meje rujeoyijɯ Dios. Romiare rujeogɯ ãmugũ ya gõana rujeoyijɯ. ⁹ Romiore ejabɯarocɯre meje ãmugũre rujeoñi Dios. Ɛmugũjɯare ejabɯarocore romiore rujeoñi Dios. ¹⁰ Ito bajiri, “Yɯre ãmatã ñagũ ñari yɯ ya rijoga bajiro bajigɯ ñami yɯ manujɯ”, yiroco iso ya rijoga bɯaja quena romiore. Ito bajiro ña yija ticõri, ñare ti wanɯrã yirãji ángel mesa. ¹¹ Ɛmɯa cɯni, romia cɯni ña ñare ãmoñi Dios. Romia ña manija, queno ña masimenaji ãmɯa. Romia ito bajiroti ãmɯa ña manija, queno ña masimenaji romia. Ito bajiri mani Jesús ñarã, “Ñe waja mama ãmɯa, ñe waja mama romia”, yire ma manire. ¹² Ado robojɯa baja: Ɛmugũ ya gõana romiore rujeoñi Dios. Ito bajibojarocati romiana rujeana ñama ãmɯa. Mani ãmɯa, romia cɯni Dios ï rujeoana riti ña mani.

¹³ Adi mɯare yɯ gotirise queno tɯoĩaña mɯa. Minijuara wijɯ rijoga bɯabecoti, ¿Diore iso senija quenati? Quenabea. ¹⁴ “Ɛmɯa joa yoarise ña ãmaja, bojorise ña”, yi tɯoĩa jedia mani. ¹⁵ Romiareama joa yoarise ña ãmaja, queno ti wanɯa mani. Joa yoarise iso ãmaja, iso ya rijoga bɯago bajiro yamo iso. ¹⁶ Sīgũ adi yɯ gotirisere ï tɯoĩa bɯsi ãmoja, ado bajiro ñre gotija quena: “Gɯa, gãjerã Jesure tɯorãɯrã cɯni, ito bajiro riti yisotia gɯa”, yi gotija quena ñre.

Jesús ï basɯsare gaye barã queno ña yibitire gaye

¹⁷ Adocãta mɯare yɯ ucarise, mɯare wanugũ meje uca yɯ. Jesús basɯsare gaye minijua barona queno yibea mɯa. Mani Ɛjɯ ï basɯsare gayere ñeñoa mɯa. ¹⁸ “Ña minijuaja, ricati riti tɯoĩama”, yire gaye tɯoa yɯ mɯare. “Riti bajiroja”, yi tɯoĩa

y_u itire. ¹⁹ “Mani t_uoĩa b_usija, ‘Ĩnati ñama Jesure t_uor_un_usarã’, y_i t_uoĩarã yirãji gãjerã manire”, y_i t_uoĩa b_usiboja m_ua. ²⁰ Ricati riti t_uoĩa b_usicōri, Jesús bas_usare gaye m_ua minijua baja, mani Uj_ure r_uc_ub_uorã meje yirãji m_ua. ²¹ Baraj_u iti ejaroca m_ua ãmoro bajiroti ba ãmorãji m_ua yajirona. Cocati bare bato bamenaji m_ua. Ito bajiro m_ua yija, gãjerã ñiocōrãji. Gãjerãma idi mec_urãji ĩna. ²² Wiri cutirã ña m_ua. M_ua ya wirij_u m_ua ba, idi, yija quena. Ito bajiro queno m_ua yibeja, Jesús bas_usare gaye barã gãjerã queno ba b_ujamena, b_ujato ĩna b_ujaroca ya m_ua. Ito bajiro m_ua yija gãjerã Jesure t_uor_un_urãre ti tudirã bajiro ya m_ua. “Queno ya m_ua”, ¿yiguti y_u m_uare? Meje y_i ãmobe a y_u. M_uare wan_ubea y_u.

Mani Uj_u ĩ bas_usare gaye

(Mt 26.26-29; Mr 14.22-25; Lc 22.14-20)

²³ Adi m_uare y_u riasorise mani Uj_u ĩ bas_usare gaye m_uare y_u riaso masitoni y_u masiroca y_iñi ĩ. Ado bajiro bajia: Mani Uj_ure ĩ wajana ñiatoni Judas ĩ gotira ñami, ĩ ya ãmona naju ãmi r_ucoyij_u Jesús. ²⁴ Āmi r_ucocōri, “Queno ya Dios m_u”, yiyij_u ĩ. Igata batocōri ado bajiro yiyij_u ĩ, ĩ rãca riasotirãre: “Ĩmo baya. Adi ña y_u ya ruj_u robo bajiro bajirise. M_uare y_iari goda ĩsig_u yig_uja y_u. Y_u godaja bero y_u m_uare ĩogore t_uoĩacōri y_ure r_uc_ub_uorã ado bajiroti minijua basotiba”, yiyij_u Jesús ĩ rãca riasotirãre. ²⁵ ĩna baja bero uyé ide tēro ãmi r_ucoyij_u Jesús. Ito yicōri ado bajiro ĩnare gotiyij_u ĩ: “Ĩmo idiya. M_uare y_iari y_u ya rí budiro yiroja y_ure. Y_u ya rina s_uoriti, ‘Ado bajiro masare queno yig_u yig_uja y_u’, Dios ĩ yiado bajiroti ñas_uoro yiroja ĩja. Y_u godaja bero y_u

m̄are ñogore t̄oĩacõri, ȳare r̄ac̄ub̄orã ado bajiroti minijua idisotiba”, yiyij̄m̄ Jesús ñ r̄aca riasotirãre. ²⁶ Mani Uj̄m̄ ñ rotiado bajiroti mani baja, mani idija c̄ani, “Manire yiarì goda ñsiñi Cristo”, yirona ito bajiro basotia mani. Mani Uj̄m̄ ñ ejarocaj̄m̄ ito bajiro yis̄sarã yirãji mani.

Mani Uj̄m̄ ñ bas̄sare gaye mani baja, ado bajiro mani baja quena, yire gaye

²⁷ Ado roboj̄ma baja: No Diore r̄ac̄ub̄obicati rocati mani Uj̄m̄ ñ bas̄sare gaye ñ baja, ñ idija c̄ani ñeñaro yiḡm̄ yiguñji ñoc̄ũ. Ito bajiro ñ yija, “Ñe waja ma Jesús ya ruj̄m̄, ñ ya rí c̄ani”, yiḡure bajiro yami ñoc̄ũ. No ito bajiro yiḡm̄ seti c̄atiḡm̄ yiguñji. ²⁸ Ito bajiri mani Uj̄m̄ ñ bas̄sare gaye ba ãmorã, mani baroto rioj̄ma, mani idiroto rioj̄ma c̄ani ado bajiro mani yija quena: Mani ñeñaro yirise t̄oĩa bojori b̄ujacõri Diore mani goti r̄etobuja quena. Ito bajiro mani yija bero mani Uj̄m̄ godare t̄oĩacõri mani baja quena. ²⁹ “Ȳm̄ ñeñaro yirisere ȳre waja yi ñsiroc̄m̄ godañi Cristo”, yi mani t̄oĩaja quena. Jesure t̄oĩamenati rocati mani baja, mani t̄ob̄ujaroca yiḡm̄ yiguñji Dios manire. ³⁰ Ito bajiro rocati bacõri j̄jarã ñarise c̄atia m̄ua. Gãjerã wisia m̄ua. Ito bajicõri gãjerã godañi ñna. ³¹ Mani baroto rioj̄ma queno mani t̄oĩaja, mani t̄ob̄ujaroca yibic̄m̄ yiguñji Dios. ³² Mani ñeñaro yirise waja mani t̄ob̄ujaroca Dios ñ yija, mani queno yitoni ito bajiro yami ñ. Ñre masimena jeame ñj̄roj̄m̄ wana r̄aca mani ware ãmobeami Dios. Ito bajiri ñeñaro mani yirisere j̄dicãtoni mani t̄ob̄ujaroca yami ñ.

³³ Ito bajiri Jesús ñ bas̄sare gaye barã wana m̄ua minijua, s̄iḡũ r̄yabeto corocõ barona ejori

mejete baya yu ñarã mua. ³⁴ Mua ñiocõja, mua minijuaroto riojua mua ya wiju baja quena. Ito bajiri minijuara wiju mua baja, jairo ba yajirona meje barã yirãji mua. “Ito bajiro mua yijare mua tõbujaroca yibicu yiguji Dios”, yi gotia yu mare. Gaje oca ñarisere mua tu ejacõri quenogũ yiguja yu.

12

Jeyaro mani moa masitoni Espiritu Santo manire ãjdicãre gaye

¹ Queno tuoñaña yu ñarã mua. Ricati riti mani moa masi sosatoni Espiritu Santo ã cure gaye mua masire amoã yu.

² “Jesure mani masiroto riojua mani meni rujeoana busimenare rucubucucã mani”, yi tuoñarãji mua. Gajero bajiro tuoñacõri jãjarã mua meni rujeoanare rucubucubojayija mua maji. ³ Ito bajiri, “Ĩna ñama Espiritu Santo rotirise meje busirã. Ĩ ñami Espiritu Santo rotirise busigu”, mua yi tuoñare amoã yu. No Jesure busitugũ, Espiritu Santo ã rotirise meje busiami ãocã. No, “Rẽtoro masigũ ñami Jesús yu Ũju”, yi busigu, Espiritu Santo rotirise busiami ãocã.

⁴ Diore mani moã ĩsitoni, ricati riti mani moa masiroca yami Espiritu Santo. Ricati riti mani moa masiroca yibojaguti sãgãti ñami Espiritu Santo. ⁵ Ricati riti mani Ũjũre moã ĩsia mani. Ricati riti moabojarãti ã sãgãreti moã ĩsia mani. ⁶ Ricati riti moare cũni Dios manire. Ito yicõri ã sãgãti ñami mani moã masiroca yigu. ⁷ Espiritu Santo quedi sãja ecoana ñari, Diore mani moã ĩsi masiroca yami ĩ. Ito bajiri, “Espiritu Santo quedi sãja ecorũ

ña yu”, yi tuoña mani. Gãmeri mani ejabuaton
ricati riti moare cũi Espíritu Santo manire.
8 Coriarã Espíritu Santona suoriti queno tuoñacõri
goti masiama ña. Gãjerã cuni Dios oca josarise
gaye riasoticõri goti masiama ña, Espíritu Santo
ejabuarisena. 9 “Yu seniro bajiroti cudigu yiguñi
Dios”, gãjerã ña queno tuorũnuroca yami Espíritu
Santo. Cõrãre ña yisio masiroca yami Espíritu
Santo gãjerãre. 10 Tiyamani ña ño masiroca yami
Espíritu Santo gãjerãre. Gãjerãre Dios oca ña goti
masiroca yami Espíritu Santo. “I ñami Espíritu
Santo rotirise busigu. Ña ñama Espíritu Santo
rotirise meje busirã”, ña yi masiroca yami Espíritu
Santo gãjerãre. Ña busi masibiti oca ñabojareti ña
busi masiroca yami Espíritu Santo gãjerãre. Iti gaye
oca ña busigore ña rogoti masiroca yami Espíritu
Santo gãjerãreama. 11 Ricati gaye riti manire moare
cũru sīgũti ñami Espíritu Santo. I ãmoro bajiro riti
ricati mani moa masiroca yami Espíritu Santo.

Co ruju bajiroti ruju cutirã ña mani, yire gaye

12 Mani ya ruju jeyaro ñabobarocati co rujati
ña. Tite mña. ãmo, cajea, gãmoro, gubo jaje ña
mani ya ruju. Ito bajiro bajirã ña mani Jesucristo
tuorũnũrã cuni. Jãjarã ñabobarãti Cristore riti
tuorũnũrã ñari co ruju bajiro bajirã ña mani. Ire
tuorũnũrã ñari gãmeri ejabua mani. 13 Jeyaro ña
mani. Tuote mña. Judio masa, judio masa meje
cuni, gãjerãre moa ñsirã, gãjerãre moa ñsimena cuni
ña mani. Jesucristore tuorũnũcõri idé gu roticu
mani. Mani sīgũ ruayabeto Espíritu Santo quedi sãja
ecoana riti ña mani. I sīgũti ñami mani ya usiju

quedi s̄jaru. Ito bajiri ña s̄oriti co ruju bajiroti ruju cutia mani.

¹⁴ Co ruju ñabojaroti jeyaro ña mani ya ruju. Coju gaye meje ña mani ya ruju. Jeyaro ña. ¹⁵ Ḡabo iti busija, “Ãmo meje ña ȳa, ito bajiri ruju gaye meje ña”, yibojarocati ruju gayeti ña. ¹⁶ Ḡãmoru iti busija, “Cajea meje ña ȳa, ito bajiri ruju gaye meje ña”, yibojarocati ruju gayeti ña iti. ¹⁷ Mani ya ruju cajea buc̄uagoti iti ñaja, çñena tuoboanada mani? Mani ya ruju ḡãmoru buc̄urogoti iti ñaja, çñena w̄jiboanada mani? ¹⁸ Meje ado roboj̄ua bajaia. Mani ya ruju iti ñaroto bajiroti ï ãmoru bajiro rujeoñi Dios manire. ¹⁹ Mani ya ruju coju gaye iti ñaja, jeyaro ñabitiboadoja. ²⁰ Ado roboj̄ua bajaia: Mani ya ruju jeyaro ñabojarocati co ruju ti ña. Ito bajiro bajirã ña mani Jesure tuor̄unurã. J̄ãjarã ñabojarãti s̄ḡãre bajiro riti tuōiacõri ḡãmeri ejabua mani.

²¹ Mani ya cajea iti busija, “Ñe waja ma ãmo”, yi masibitiboadoja. Mani ya rijoga iti busija, “Ñe waja ma ḡubori”, yi masibitiboadoja iti. ²² Ado roboj̄ua bajaia: Mani ya ruju gaye, “Adi gaye queno waja ma ȳure”, mani yi tuōi abojarocati ñasarise ña iti c̄ni. ²³ Mani ya ruju gaye, “Adi gaye queno waja ma ȳure”, mani yibojarise c̄ni queno tir̄nua mani. Gaje mani ya ruju gaye masa jeyarore mani ïobiti yutabujuna sãña bia mani. ²⁴ Gajejuri mani ya ruju bojobea mani. Ito bajiri itire buabea mani. Mani ya ruju re ï ãmoru bajiroti quenoñi Dios. Mani ya ruju gaye, “Ñasarise meje ña”, mani yirise itijua ña bu to busa ñasarise. ²⁵ Mani ya ruju jeyaro ñabojarocati corocõti ñasarise ña. Mani Jesure tuor̄unurã ito bajiro bajirãti ña. J̄ãjarã ñabojarãti

ñasarã riti ña mani. Ito bajiri wanure rãca gãmeri ejabua mani. ²⁶ Mani ya ruju coju iti juniya, ruju ñarocõti juni wisia. Mani ya ruju coju masa ña ti wanuja, mani ya ruju ñarocõreti wanujeacoa mani. Iti gaye robo bajiroti bajaia mani Jesure tuorunurã cuni. Mani wato sīgũ ñ bojori bujaja, mani ñarocõti ñ rãca bojori bujarãji mani. Ito yicõri sīgũ mani wato ñ wanu quenaja, mani ñarocõti wanu quenarãji mani.

²⁷ Ado robojua bajaia: Mani Jesure tuorunurã ñre moa ñsirã ñari ñ ya ruju robo bajirã ña mani. Mani sīgũ ruayabeto ñasarã ña mani. Mani rãca gagu sīgũ ñ manija, ñre godo cutia mani cocati Jesure moa ñsirã ñari. ²⁸ Mani Jesure tuorunurã ñaja sīgũ ruayabeto moare cũi Dios manire. Cajero mani coriarãre Jesús oca goti ucuronare cũi ñ. Ito bero gãjerã ñre goti ñsironare cũi. Gãjerã ñ oca riasoronare cũi. Gãjerãre tiyamani ña ñorotire cũi. Gãjerã cõrãre yisironare cũi. Gãjerã ejabuaronare cũi. Gãjerã tirunuronare cũi. Ito bero gãjerã ña busi masibiti oca ñabojareti busi masironare cũi Dios.

²⁹ Corocõti ñre moa ñsirona meje cũi Dios manire. Mani jeyaro Jesucristo oca gotirona ñ cũiana meje ña mani. Mani jeyaro Diore goti ñsiri masa meje ña mani. Mani jeyaro ñ oca riasori masa meje ña mani. Mani jeyaro tiyamani ñori masa meje ña mani. ³⁰ Mani jeyaro cõri masare yisiori masa meje ña mani. Mani jeyaro mani busi masibiti oca ñabojareti busi masirona meje ña mani. Mani jeyaro ña busija tuocõri, “Ado bajiro busirũ ña”, yĩ masirã meje ña mani. Mani jeyaro ña busirisere rogoti masirã meje ña mani. ³¹ “Ñasarise yũ yiroca, Dios ñ yire ñmoa yũ”, yiruja mũare. Ito bajiro

mua yijama quena ña. Ito bajiro mua yibojarocati adocãta bũto ñasarisejũare mũare riasogu ya yũ.

13

Gãjerãre mani ti maija, iti ña ñasarise, yire gaye

¹ Co oca ruyabeto mani bũsi masibojarocati, ito yicõri ángel mesa oca mani bũsi masibojarocati, gãjerãre mani ti maibeja, ñe waja mana ña mani. Gãjerãre mani ti maibeja, jeyaro bũsirã ñabojarãti, rocati yucu toti iti bũsiro bajiroti, ito yicõri come-tiro iti bũsiro bajiro, rocati oca godacoajũ. Gãjerãre ti maimenati mani bũsirojaja manire tũomenaji ña. ² Diore goti ñsiri masa ñabojarãti, ito yicõri goti rudire jeyaro masibojarãti, gãjerãre mani ti maibeja, ñe waja mana ña mani. Jeyaro tũo masirã ñabojarãti, ito yicõri “ ‘Gũta yucũrire cũo rũgõña Dios mũ’, yũ yija, ñaro bajiroti cũdiguĩji ñ”, yi tũoĩa masirã ñabojarãti, gãjerãre mani ti maibeja, ñe waja mana ña mani. ³ Mani rũcorise ñarocõti batorã ñabojarãti, gãjerãre mani ti maibeja ñe waja bũjamenaji mani. “Yũre ña soe ãmobojarocati Dios oca goti jidicãbicũja yũ”, yi tũoĩarã ñabojarãti gãjerãre mani ti maibeja ñe waja bũjamenaji mani.

⁴ Gãjerãre mani ti maija, ado robojũa bajirã yirãji mani: Gãjerãre mũsioro yimenaji mani. Gãjerãre queno yirã yirãji mani. Gãjerãre ti mũomena yirãji mani. Gãjerãre rũcũbũorã yirãji mani. “Gãjerã rẽtoro ñasagu ña yũ”, yimenaji mani. ⁵ Mani queno ñaroti gaye riti tũoĩamena yirãji mani. Gãjerãjũare ña queno ñaroti gaye tũoĩarã yirãji mani. Gãjerãre ti junisinimena yirãji mani. Gãji manire ñeñaro ñ yibojarocati yoari junisinimenaji mani. Itire

ãcabojorã yirãji mani. ⁶ Gãji ã ñeñaro yija, ti wanumenaji mani. Gãji ã queno yijajua ãre ti wanurã yirãji mani. ⁷ Gãjerãre mani ti maibojarocati ñeñaro manire ãna yija, ãnare ti mai jidicãmenaji mani. Ito yicõri ãnare busitumenaji mani. ãnare mani ti maija, ãnare tuorũnurã yirãji mani. Gãjerãre mani ti maibojarocati, manire ãna ñeñaro yija, ãnare usiriomenaji mani. Ito yicõri ãnare ti mai jidicãmenaji mani.

⁸ Gãjerãre mani ti maija, ãnare ti mai jidicãre ma manire. ãnare ti maisotirã yirãji mani. Gãjerãre mani ti mairise jedirise meje ña. Co rumu Dios ã manire moare cõre jediro yiroja. Iti rumu iti ejaja Diore queno masirã yirãji mani. Ito bajiri ãre goti ãsire mano yiroja ãja. Ito yicõri mani masibiti oca jeyaro mani busiroca yibicu yiguãji Dios. Gaje ã oca josarisere mani goti masiroca yibicu yiguãji ã ãja. ⁹ Ado robojua baja: Adocãta jeyaro Dios ye masi jeobea mani. Dios ocare goti jeo masibea mani. ¹⁰ ãja co rumu Dios gayere masi jeocõrã yirãji mani maji. Ito bajiri iti rumu ejaroca ã oca manire goti rõtoburi masa mana yirãji ãja. Manimasiti tuo masi jeocõrã yirãji.

¹¹ Ado bajiro baja. Масуасã ун ñaja, масуасã oca busicu ун. Масуасã ун ñaja, масуасã robo riti tuoĩacu ун. Масуасã ун ñaja, масуасã bajiro riti tuoĩa besecu ун. Всуа wacu масуасã ун ñagore gaye jidicãcu ун. ¹² Adocãta jeyaro Dios gayere tuo masi jeobea mani. Eoro queno ruyubeto bajiro Dios oca queno tuo masi jeobea mani. Ito bajibojarocati co rumu Dios tu ejacõri ã gayere tuo masi jeorã yirãji mani. Adocãta coriajãriti ã oca masia

mani. Ija co rumu Dios ï manire ti masi jeoado bajiroti ï gaye tuo masi jeorã yirãji mani cuni.

¹³ Udiaji gaye ña mani yisotiroti: Diore tuorũnũsotiruja manire. “Dios ï yiro bajiroti yigu yiguji”, yi tuoĩasotiruja manire. Ito yicõri gãjerãre ti maisotiruja manire. Iti udiaji gaye gãjerãre mani ti mairise iti ña ñasarise.

14

Oca masibitibojarãti gãjerã oca busire gaye

¹ Gãjerãre ti maisotiruja manire. Iti ña mani cãdiroti ñasarise. Ìre mani moa ïsitoni Dios ï cũre gayere ãmoana mani. “Yure goti ïsiri masa ñama mua”, manire ï yire gaye, ãmoana mani. Iti cuni ñasarise ña. ² No gãjerã oca ï masibiti ï busija, Diore rucubuguti yami, ito bajiro ï yija. Ito bajiro ï busija, masa tuomenaji ïre. Ito bajiri ïnare meje busiguji ï. Diojare busiguji. Ito bajiro ï busija Espiritu Santo ejabuarisena busiguji ï. Ito yicõri gãjerã ïna tuoroti meje busiguji ï. ³ Gãjiama Diore goti ïsigũ ï busija, masareti busiguji. Buto busa Diore ïna tuorũnũtoni ito bajiro busiguji ï. Ìna tuoĩa oca sãtoni ito yicõri ïna wanũtoni ito bajiro busiguji ï. ⁴ No gãjerã oca ï masibiti Diore ï busija, buto busa ïmasiti Diore masi waguji. Ito bajiro tuoyamani ï busija, tuobiticõri buto busa Diore masimenaji ïna ïja. Gãjiama Dios oca gotigu ïna tuorisena ï gotija tuocõri, gãjerã Jesure tuorũnrã buto busa ïna tuorũnrõca yami ï.

⁵ Sīgũ ruyabeto gãjerã oca mua masibiti oca ñabojareti mua busija, quena ñaboroja yure. Ito bajibojarocati ï masibiti oca ñabojareti busigu rëto

bʉsaro ñasarise moami Dios oca gotiri masu. Ī masibiti oca ñabojare bʉsigu ĩ bʉsirise masa ĩna tʉo masitoni ĩ rogotija, ñasarise moami ĩ cʉni. Ito bajiro ĩ yija Jesure masirā bʉto bʉsa ĩre ĩna tʉorānu waroca yami ĩ. Bʉsi tʉocōri ĩ rogotibejama tʉo masimenaji ĩna. ⁶ Tʉoya yu ñarā mʉa. Mʉa tʉ ejaçōri mʉa tʉobiti yu bʉsija, ñe waja ma. Ñejua ejaʉabetoja mʉare. Yu masiroca Dios ĩ yirise mʉare yu bʉsija, mʉare ejaʉaroja itiama. Dios oca riojo ñasarise mʉare yu riasoja, iti cʉni mʉare ejaʉaroja.

⁷ Goti masiore ocana mʉare gotigu ya yu: Sīgũ tērorā ĩ juti masibeja, “Iti basa menigũ yami”, yi masimenaji mani. Arpa wame çatirisena queno ĩ basa meni masibeja, “Iti gaye basa menigũ yami”, yi masimenaji mani. ⁸ Surarare jigʉ trompeta wame çatirica queno ĩ juti masibeja, gājerā rāca gāmeri sīarona ña yucāmenaji ĩna. “Wadiru ĩna”, yi masibiticōri ña yucāmenaji ĩna. ⁹ Iti bajiroti bajia, gājerā oca mʉa masibiti mʉa bʉsibojaja. Mʉa masibiti mʉa bʉsija tʉo masibiticōri, “Ito bajiro yireoni ña”, yi masimena yirāji gājerā. Ito bajiro mʉa bʉsibojaja, mino bajiroti godacoaro yiroja. ¹⁰ Riti ña, adi macārucūrore jaje oca bʉsia mani. Mani bʉsirisere tʉorā yirāji gājerā. ¹¹ Ito bajibojarocati sīgũ yu tʉobiti yure ĩ bʉsibojaja jua dʉja gāmeri tʉomenaji gʉa. ĩre tʉo masibiticōri, “Gaje masu ñaguļji”, yi tʉoĭagũ yiguja yu. Yure tʉo masibiticōri ito bajiroti tʉoĭagũ yiguļji ĩ cʉni. ¹² Diore moa ĩsiroca Espiritu Santo ĩ yire āmorā ña mʉa. Ito bajiro āmorā ñari, “Gājerā Jesure tʉorānurāre gʉa ejaʉaroca yiya”, yirona Espiritu Santore seniña.

13 Ito bajiri sīgũ gãjerã oca ã masibiti ã busija, ã rogoti masitoni Diore ã senija quena. 14 Diore rūcubuoḡu gaje oca yu masibiti yu busija, Espiritu Santo ã ejabuarisena ito bajiro busiguja yu. Ito bajibojarocati, “Iti gayere busia yu”, yi masibicuja yu. Ito bajiri gãjerã ãna tuo masiroca yi masibicu yiguja yu. 15 Ado bajiro juaji gayena Diore yu busija quena. Espiritu Santona suoriti yu masibiti oca ñabojareti Diore yu busija quena. Ito yicõri gãjerã ãna tuotoni ãna tuorisena Diore yu busija quena. Juaji gayena Diore yu basaja quena. Espiritu Santona suoriti yu masibiti oca ñabojareti Diore yu basaja quena, ito yicõri gãjerã ãna tuorisena Diore yu basaja quena. 16 Diore rūcubuoḡã Espiritu Santona suoriti gãjerã ãna tuobiti riti mani busibojaja, “Iti gaye busirãji ãna”, yi masimenaji ãna. Ito bajiri ãna tuobeja, mani rãca cocati Diore rūcubuo masimenaji ãna. 17 Manire tuobiticõri mani rãca cocati, “Queno ya Dios mu”, yi masimena yirãji ãna. Diore rūcubuoḡã, “Queno ya Dios mu”, mani queno yibojarocati, manire tuobiticõri buto busa Diore masibiti warã yirãji ãna. 18 Mũa rëtoro gãjerã oca yu masibiti busia yu. Ito bajiri, “Queno ya Dios mu. Yu masibiti oca ñabojareti yu busiroca ya mu”, ya yu ãre. 19 Ito bajibojarocati Dios ya wi minijuacõri jaje mũa tuobiti yu gotibojaja, ñe waja ma iti. Yu gotirisere tuomenaji mũa. Mũa ocana mũa tuorise jabetacã yu gotibojarocati mũa tuoja, iti ña yure buto busa quenarise.

20 Rãca bajiro tuoĩabesa yu ñarã mũa. Ito bajibojarocati mutarãcã ñeñaro yibitiana bajiro mũa ñaja quena. Busũã bajiro queno mũa tuoĩaja quena.

Bucurã mña ñajare, ito bajiro tũoñaja quena. ²¹ Dios oca tuti iti gotija, ado bajiro gotia: “Yũ ñarãre gaje ocana ñnare busigu yigũja yũ. Gaje masa yũ ñarãre gaje ocana busironare cõagũ yigũja yũ. Ito bajiro yũ yibojarocati yũre tũorũnũmena yirãji ñna”, yi gotia Dios oca tuti. ²² Diore ñna tũo ãmobetõ bajiroti tũo ãmomenaji Jesure tũorũnũmena cãni. Sīgũ gãjerã oca ñ masibiti ñ busiroca Dios ñ yija, “Masigũ ñari manire waja senigũ yiguĩji Dios”, Jesure tũorũnũmena ñna yitoni ito bajiro ñoguĩji Dios. Gãjiama ñ oca goti masiroca Dios ñ yija, “Masigũ ñari manire ejabũagũ yiguĩji Dios”, Jesure tũorũnũrã ñna yitoni ito bajiro ñoguĩji Dios. ²³ Ado robojũa baja: Diore rũcũbũorõna minijua ñarajũ, gãjerã oca mña masibiti mña busi ñarõca Dios ocare riasotimena, ito yicõri Diore tũorũnũmena cãni ñna ejaja, “Mecũri masaguti ñacõyijari ãna”, yirã yirãji ñna mñare. ²⁴ Diore rũcũbũorã mña minijua ñarijũ gãjerã Diore masimena ñna ejaja, Dios oca mña gotijama tũo masirã yirãji. Ito bajiri queno tũo masicõri, “Ñeñaro yigũgo ñada yũ cãni”, yi tũoñarã yirãji ñna. ²⁵ “Yũ tũoña rudibojarisere masicõami Dios”, yirã yirãji ñna. Ito yicõri Diore rũcũbũorõna rijomunigãna ñini rũjũrã yirãji ñna. “Ãna rãca ñasacõami Dios”, yirã yirãji ñna mñare.

Minijuacõri ado bajiro queno yirũja manire, yire gaye

²⁶ Tũoya yũ ñarã mña. Ado bajiro baja: Mña coriarã minijuacõri basa ãmoa mña. Gãjerã riaso ãmoa mña. Gãjerã mña masiroca Dios ñ yirere goti ãmoa mña. Mña coriarã gãjerã oca mña masibitire busi ãmoa mña. Gãjerãre rogoti ãmoa mña. Quena

ña ito bajiro m̄ua yija. Dise r̄uyabeto m̄ua yisotija, Diore t̄uor̄ũn̄ur̄ã b̄uto b̄usa ãna t̄uor̄ũn̄u waroca m̄ua yija quena. ²⁷ Gãjerã oca m̄ua masibiti m̄ua b̄usi ãmoja, j̄ũar̄ãona ūdiar̄ãonati m̄ua b̄usija quena. S̄ĩgũ ã b̄usija bero, ito bero gãji, ito bero gãji m̄ua b̄usija quenaroja. M̄ua b̄usija bero gãji ã rogotija quena, gãjerã ãna t̄uotoni. ²⁸ S̄ĩgũ rogotiḡu ã manija, minijuacõri gãjerã oca m̄ua masibiti b̄usibitir̄uja m̄uare. S̄ĩgũ rogotiḡu ã manija, masa ãna tiro riojo meje m̄ua b̄usija quena. M̄ua t̄uoõar̄isena Diore m̄ua b̄usija quena. ²⁹ M̄ua masiroca Dios ã yire m̄ua goti ãmoja, j̄ũar̄ãona, ūdiar̄ãonati b̄usija quena. S̄ĩgũ ã b̄usija bero, ito bero gãji, ito bero gãji b̄usija quena. Gãjerã m̄uare t̄uo rujirã, “Riti Dios ocare b̄usiamã ãna”, yĩ t̄uoõã bese rujirã yirãji ãna. ³⁰ S̄ĩgũ ã b̄usiroca gãji t̄uo rujiḡure ã b̄usiroti gaye t̄uoõã b̄ujaroca Dios ã yija, b̄usis̄uoḡu b̄usi jidicãja quena, gãji ã b̄usitoni. ³¹ Queno gãji bero, gãji bero m̄ua b̄usija, m̄ua Diore goti ãsiri masa s̄ĩgũ r̄uyabeto b̄usi masirã yirãji m̄ua. Ito bajiro m̄ua yija, s̄ĩgũ r̄uyabeto b̄usi masirã yirãji m̄ua. Ito bajiro m̄ua yija, b̄uto b̄usa Dios ocare masicõri t̄uoõã oca s̄ẽo wan̄u jedirã yirãji m̄ua. ³² M̄ua Dios oca goti ãsiri masa ã oca m̄ua gotija, rocati meje gotirã yirãji m̄ua. “Ado bajiro gotic̄uja yu”, yĩ t̄uoõacõri m̄ua gotija quena. Gãjerã ãna b̄usiroca b̄usibitir̄uja m̄uare. M̄ua yuja quena. ³³ Ñe oca manoti mani minijuaja ticõri, manire wan̄ugũ yiguõji Dios. Ito bajibojarocati mani b̄usi riaw̄usaja ticõri, wan̄ubic̄u yiguõji Dios.

Ito bajiri gãjerã Jesure t̄uor̄ũn̄ur̄ã ãna minijuado bajiro, ñe oca mano b̄usi riaw̄usare mano m̄ua minijuasotija quena. ³⁴ Dios ya wi m̄ua

minijuaroca bʉsire ma romiare. Īna ñama ĩna manʉjʉsabatiare cʉdirona. ʉmʉa ñama ĩnare ũmatārã. Ito bajiroti gotia Dios oca tuti. ³⁵ Īna seniña āmoja, ĩna ya wijʉ tʉdi ejacõri ĩna manʉjʉsabatiare seniñaja quena. Mʉa minijuari wijʉ romio sĭgõ iso bʉsija, queno ejasabea.

³⁶ “ ‘Ado bajiro gotia Dios oca’, yi goti rĕtobu masirã ña gʉa”, ¿yi tʉoĩati mʉa? Ito bajirojʉa meje baja. Mʉa riti meje ña Dios oca boca āmisʉoana. ³⁷ “Diore goti ĩsiri masʉ ña yʉ”, sĭgũ ĩ yija, “Mani ʉjʉ ĩ rotiado bajiroti gotiami Pablo”, yi masigũ yiguĩji ĩ. Ito bajiroti yigʉ yiguĩji gãji cʉni, “Espĭritu Santo rotirise bʉsia yʉ”, ĩ yi masija. ³⁸ “Dios oca gotigʉ meje ñami Pablo”, sĭgũ ĩ yija, ĩre cʉni tʉorʉnʉbeja quena.

³⁹ Tʉoya yʉ ñarã mʉa. Ado bajirojʉa mʉa yija quena: “Dios oca yʉ goti masiroca ĩ yire āmoa yʉ”, mʉa yija quena. No gãjerã oca ĩna tʉobiti ĩna bʉsija, rĕore ma. ⁴⁰ Ito bajibojarocati mʉa minijua ñari wijʉ gãjerãre rʉcʉbʉocõri sĭgũ ĩ bʉsiroca gãjerã bʉsire ma. No mʉa yisotirise dise rʉyabeto queno tʉoĩacõri mʉa bʉsija quena.

15

Mʉcana tʉdi Cristo catire gaye

¹ “Masare masorocʉ goda ĩsiñi Cristo”, yi mʉare yʉ riasocatire itire tʉdi mʉa tʉoĩare āmoa yʉ. Iti ocare iti rʉmʉjʉ boca āmicãcʉ mʉa. Iti ocare boca āmicõri Cristore tʉorʉnʉa mʉa. ² Mʉare yʉ riasocatire mʉa tʉorʉnʉ jidicãbeja, Dios ĩ masoana ña mʉa ĩja. “Dios ocare tʉorʉnʉrã ña gʉa”, yibojarãti

iti ocare queno t̄or̄ñ̄usamena m̄ua ñaja, Dios ï masoana meje ña m̄ua.

³ Oca b̄uto ñasarise ȳu masiroca Dios ï yirere m̄uare riasoc̄u ȳu. Dios oca tuti iti gotiro bajiroti, “Mani ñeñaro yirise waja goda ïsiñi Cristo”, yi m̄uare riasoc̄u ȳu. ⁴ “Ïre ña yujebojarocati ūdia r̄am̄u bero m̄ucana t̄ūdi catiñi Cristo”, yi m̄uare riasoc̄u ȳu. Dios oca tuti iti gotiro bajiroti m̄uare riasoc̄u ȳu. ⁵ T̄ūdi caticõri Pedrore goaïoyij̄u Jesús. Ito bero ï c̄uana j̄ua ḡubojeno ñarãre goaïoyij̄u. ⁶ Ito bero ḡãjerã quinientos ñarã r̄eto busaro ïre t̄or̄ñ̄urãre goaïoyij̄u Jesús. Ï goaïoana j̄ãjarã catiama maji. Ḡãjerãma godacoañi. ⁷ Ito bero Santiagore goaïoyij̄u. Ito bero ï oca goti ucutoni ï c̄uanare ñarocõreti goaïoyij̄u.

⁸ Ïnare ï goaïoja bero ȳure c̄uni susari goaïoquĩ. Ïna bajiro ñasaḡu meje ña ȳu. Ñasaḡu meje ȳu ñajare ña bero ȳure c̄uni goaïosusaquĩ ï. ⁹ Ï oca goti ucuroña ï c̄uana r̄ãca corocõ ñasaḡu meje ña ȳu. Iti r̄am̄u Cristore t̄or̄ñ̄urãre queno yibitic̄u ȳu maji. Ï ñarãre ȳu usirioro yi codejama ï oca ȳu goti ucuroca yibitibor̄u Dios. “Queno ȳu yiḡu ñajare ȳure beseñi Dios”, yi t̄uõlabea ȳu. ¹⁰ Ȳure ti maicõri ȳure beseñi Dios, ïre ȳu moa ïsitoni. Quenoguti Dios ï ȳure yijare ïre queno moa ïsia ȳu. Ito bajiri, “Bujato baja. Ïre besebojac̄u ȳu”, yibeami Dios ȳure. Ḡãjerã Jesús ï c̄uana r̄eto busaro Diore moa ïsia ȳu. Ito bajibojarocati ȳumasi meje Diore moa ïsia ȳu. Ȳure ti maicõri ïre ȳu moa ïsi masiroca yami Dios ȳure. ¹¹ “Ḡãjerã r̄eto busaro Dios oca m̄uare riasoc̄u ȳu”, ȳu yija no yibea iti. Ado roboj̄ua ña ñasarise. Dios ocare t̄uocõri Jesure t̄or̄ñ̄uyija

mua. Itijua ña ñasarise.

Godabojarāti mucana t̄di mani catire gaye

¹² Gua Jesús ĩ cūana sīgũ ruyabeto corocō gotia gua. “Godabojaguti mucana t̄di catiñi Cristo”, yi gotia gua. Mhare ito bajiro gua yibojarocati, ¿no yija mua coriarā, “Godabojarāti mucana t̄di catiya ma”, yati mua? ¹³ Godabojarāti t̄di catire iti manija, Cristo c̄ni t̄di catibitiboru. ¹⁴ T̄di ĩ catibeja, ĩ oca gua riasobojarise ñe waja manoja. ĩ t̄di catibeja, ĩre t̄or̄n̄bojarāti ya mua. ĩ manija ĩ manibojarocati ĩre t̄or̄n̄boana mua. ¹⁵ ĩ t̄di catibeja, b̄r̄ati Dios oca riasoboyija gua. “T̄di Cristo ĩ catiroca yiñi Dios”, yic̄c̄ gua. Godana mucana t̄di ĩna catibeja, Jesure c̄ni t̄di ĩ catiroca yibitiboru Dios. ¹⁶ Godana mucana t̄di ĩna catibeja, ito bajiroti Cristo c̄ni t̄di catibitiboru. ¹⁷ Cristo t̄di ĩ catibeja, ĩre t̄or̄n̄bojarāti ya mua. ĩ manija ĩ manibojarocati ĩre t̄or̄n̄boana mua. Mani ñeñaro yirise waja, waja yi ĩsiroc̄ godac̄ri ĩ t̄di catibeja, seti catir̄ ñaboana mani maji. ¹⁸ Ito bajiro iti bajija, Jesucristore t̄or̄n̄c̄ri godana jeame ñjuroju waboana ĩna. ¹⁹ Cristore t̄or̄n̄bojarāti t̄di mani catibeja, ĩre t̄or̄n̄mena r̄toro bojori b̄jarā ñaboana mani.

²⁰ Ado robojua baja: Cristo ĩ godabojarocati mucana t̄di ĩ catiroca yiñi Dios ĩja. Ito bajiri ĩ ñami cajero godabojaguti mucana t̄di catisoru. ĩna suoriti godana ñaroc̄ti mucana t̄di cati jedirā yir̄ji. ²¹ Adán ñayoru ĩ ñeñaro yirajuna suoriti godas̄oñi adi sita ḡana. Ito bajibojarocati Cristo t̄di ĩ catirajuna suoriti godabojarāti t̄di catir̄ji mani

cuni. ²² Adán ñayoru janerãbatia ñari goda jedirã yirãji mani. Ito bajibojarocati Cristore t̃orãnrã ñari ñna s̃oriti m̃cana mani catiroca yig̃u yiguĩji Dios. ²³ Dios ĩ ãmoro bajiroti m̃cana t̃di catirã yirãji masa. Cristo ñami cajero godabogati m̃cana t̃di catis̃oru. Ija Cristo ĩ t̃di ejaroca ĩre t̃orãngoana m̃cana t̃di catirã yirãji. ²⁴ Ito baji ñaroca adi ãm̃ari jediro yiroja. ĩ wajana ñaroc̃reti r̃etoc̃g̃u yiguĩji Cristo. Adi sita gãna ãjarã, ito yic̃ori ãmac̃ju gãna ãjarãre cuni r̃etoc̃g̃u yiguĩji Cristo. Ito bajiro yic̃ori ĩre t̃orãnrãre miojug̃u yiguĩji Cristo. “ĩna Ŭju ñasag̃u ñatĩñama m̃”, yiroc̃u ĩ Jac̃u Dioj̃are ĩsig̃u yiguĩji Cristo ĩre t̃orãngoanare. ²⁵ ĩ wajanare ĩ r̃etoc̃uroto rioj̃ua Ŭju ĩ ñaroca yig̃u yiguĩji Dios Cristore. Ito bajiro ĩ baji ñare ãmoguĩji Dios. ²⁶ ĩ wajana ñaroc̃reti r̃etoc̃c̃ori masa ñna godarise gaye itoc̃oti gajanoag̃u yiguĩji Cristo. Ito bajiri m̃cana t̃di godare mano yiroja. ²⁷ Dios oca tuti iti gotiro bajiroti jeyaro Ŭju ñaroc̃are c̃ñi Dios Cristore. “ĩ Jac̃u Ŭju ñami Cristo”, yireoni meje ña iti. ĩ Jac̃uj̃ua jeyaro Ŭju ñaroc̃are c̃ñi. ²⁸ Co ram̃u ĩ wajana jeyarore, ito yic̃ori ãjarã jeyarore cuni ñnare r̃etoc̃g̃u yiguĩji Cristo. Ito bajiro yic̃ori jeyarore rotig̃u ñag̃u yiguĩji Cristo. Iti ram̃ati ĩ roti masitoni Dios ĩ jidic̃ãrere t̃di ĩsig̃u yiguĩji Diore. Ito bajiro ĩ yijare Dios ĩre c̃r̃u jeyaro, dise r̃ayabeto Ŭju ñag̃u yiguĩji.

²⁹ “Godana m̃cana t̃di catimenaji”, gãjerã ñna yibojarise gaye m̃are goti masio ãmoa ỹu. ¿No yija, “Godana m̃cana t̃di catimenaji”, yi t̃oĩabojarãti idé guya mana godanare yiarĩ idé gu ĩsirã yati gãjerã? Godana m̃cana t̃di ñna catibejama, rocati

bajiro ñnare idé gu ñsibojarãji ñna.

³⁰ Dios oca yu riasoja, buto guijosotia yure, jãjarã yure sãa ãmorã ñna cunĩjare. “Riti godana tãdi catirã yirãji ñja”, yi tũoĩacõri Dios oca riaso jidicãbea yu.

³¹ Riti mũare gotia yu ñnarã yu. Co rũmũ ruyabeto yure sãa ãmorã cunĩsotiamã ñna. Riti bajia iti. Gaje ri-ojo gotia yu mũare. “Yu riasocatire tũocõri Cristore tũorũnũni Corinto cuto gãna”, yi mũare tũoĩacõri wanũa yu. ³² Efeso cuto gãna yaiare bajiro guacõri yu tũbũjaroca yicã ñna. Godabojarãti mũcana tãdi mani catibeja, rocati Diore moa ñsibocũ yu. Ito yicõri tũbũjabojaguti, ñe bũjabitibogũja yu. Godana mũcana tãdi ñna catibeja, Jesure tũorũnũmena ñna tũoĩado bajiro mani cunĩ tũoĩaja quenaboa. Ado bajiro yi tũoĩama ñna: “Yoari mejeti godarã yirãji mani. Ito bajiri mani ãmoro bajiroti wanũrũja mani, barũja mani, idirũja mani”, yi tũoĩabojama ñna.

³³ Ito bajiro rũo gotirãre tũorũnũbesa. Ado bajirojũa ya yu mũare: “Ñeñaro yirã rãca mũa baba cãtija, queno yirã ñabojarãti ñna bajiroti ñeñaro yirã yirãji mũa cunĩ”, ya yu mũare. ³⁴ Tãdi queno tũoĩa quenocõri quenarise riti yiya mũa. Mũa ñeñaro yirisere jidicãña. Mũa coriarã Diore masirã meje ña mũa. Mũa bojo bũjatoni ito bajiro ya yu.

Godabojarãti mũcana tãdi ñna catire gaye

³⁵ Ado bajiro yure seniñarã yirãji gajea coriarã: “Godana ñabojarãti, ¿no bajiro tãdi catirã yirãjida? Ito yicõri, ¿no bajiro rujũ cãtirã yirãjida ñna?” yi yure seniñarã yirãji gajea coriarã. ³⁶ Ito bajiro yure seniñarã queno tũoĩamena ñnama ñna. Ado robojũa baja: Aje mani oteja, joe gayeti jogaro yiroja.

Ito bajibojarocati gɔdajubero gaye judi mɔjaroja. ³⁷⁻³⁸ Trigo ajeri, gaje ote ajeri mani oteja, rujagɔ meje otea mani. Mani oteja bero rujagɔ iti ñatoni Dios ĩ ɔmoro bajiroti menigɔ yiguĩji ĩ. Ote ajeri iti ñaro bajiroti iti judiroca yigɔ yiguĩji Dios. Maniama ajerigoti otea mani. Dios ñami iti judiroca yigɔ. ³⁹ Mani catirã jeyaro ricati riti rujɔ catia mani. Tite mɔa. Wai, waibɔcɔrã, wɔtirã, mani masa cɔni ricati riti rujɔ catia. ⁴⁰ Ito bajiroti ũmacɔjɔ gãna cɔni ricati rujɔ cɔtirãji. Mani adi sita gãna ricati rujɔ catia mani. Mani adi sita ñarã quenari rujɔ, rujɔ catia mani. ũmacɔjɔ gãna cɔni manire bajiro rujɔ cɔtibitibojarãti quenari rujɔ, rujɔ cɔtirãji ĩna cɔni. ⁴¹ Ɔmɔa gagɔ ĩ busurise bajirise meje busuami ñami gagɔ cɔni. Ricati busuami. Ito bajiroti ñocɔa cɔni ricati busuama. ĩna ñocɔa comasi cɔni ricati riti busuama. ⁴² Ito bajiroti bajirã yirãji mani. Godabobarãti mɔcana tɔdi caticɔri ricati rujɔ cɔtirã yirãji mani. Sīgɔ godarɔre mani yujeja, ĩ ya rujɔ jogacoaro yiroja. Tɔdi catiroca Dios ĩ yija, tɔdi godare mano yiroja ĩre. ⁴³ Sīgɔ godarɔre mani yujeja, jogari rujɔre yujea mani. ĩ tɔdi catiroca Dios ĩ yija, seyori rujɔ, rujɔ cɔtigɔ yiguĩji. Queno rujɔ sɔogɔre meje yujea mani. Rujɔ sɔobiti rujɔ yujea mani. Ito bajibojarocati tɔdi catiroca Dios ĩ yija, sɔori rujɔ, rujɔ cɔtigɔ yiguĩji ĩ. ⁴⁴ Adi sita ñarã mani rujɔ cɔtirisere ĩna yujeja, jogari rujɔre yujerã yirãji ĩna. Ito bajibojarocati mani tɔdi catiroca Dios ĩ yija, jogabiti rujɔ bɔjarã yirãji mani. Adi sita ñarã jogari rujɔ, rujɔ catia mani. Mani godabobarocati mani ya ɔsiana godabetoja. ũmacɔjɔ Dios tɔ ejacɔri

jogabiti ruju, ruju catirã yirãji mani.

⁴⁵ Ado bajiro gotia Dios oca tuti: “Cajero ãmugũ ñasorũ, Adán ñayorũ Dios ã rujeorũ ñayijũ. Ñ catiroca yiyijũ Dios”, yi gotia Dios oca tuti. Adán bero gagũ ñabojaguti ã rãtoro ñasagu ñami Cristo. Ñ ñami mani catitĩñaroca yigũ. ⁴⁶ Adocãta mani ruju catirise jogari ruju ña. Ito bajibojarocati ãmacãju Dios tã ejacõri jogabiti ruju bujarã yirãji mani. ⁴⁷ Ñmugũ ñasorũre sitana rujeoyijũ Dios. Ito bajiri adi sita gagũ ñayijũ ã. Ñ bero gagũ Cristoama ãmacãju gagũ wadirũ ñayijũ. ⁴⁸ Adi sita ñarã cajero ñasorũ sitana rujearu robo bajiro ruju catia mani. ãmacãju Dios tã mani waja ito gagũ wadirũ Cristo robo bajiro ruju catirã yirãji mani. ⁴⁹ Adi rãmari Adán ñayorũ bajiro ruju catia mani. Ito bajibojarocati Dios tã ejacõri Cristo bajiroti ruju catirã ñarã yirãji mani ãja.

⁵⁰ Ado bajiro goti ãmoa yũ ñarã yũ mware: Adocãta mani ya ruju wirow, rí cuni ña manire. Ito bajiri ruju ãmacãju Dios ã rotiroju ña masibetoja. Adocãta mani ruju catiri ruju yoari ñabetoja. Ito bajiri Dios rãca catitĩnarona ruju jogabiti ruju mani ruju catija quena. ⁵¹ Gãjerã ñna masibitire mware gotigũ ya yũ. Jeyaro meje godarã yirãji. Ito bajibojarocati mani sigũ ruyabeto ruju wasoarã yirãji mani. ⁵² Cajea mani yabi yiro bajiro ejaroti rujure wasoagu yiguji Dios. Ito bajiro bajiro yiroja sãsari rãmũ. Trompeta wame catirica jutiraga oca ruyuro yiroja. Iti oca ruyuroca godana tãdi catirã yirãji. Ito yicõri tãdi godare mano yiroja ñnare. Iti rãmari cati ruyarãre ñna ya rujure wasoagu yiguji Dios. ⁵³ Mani ruju catirise jogarise ña. Ito bajiri

Dios rãca mani catitĩñatoni manire ruju wasoagu yiguĩji Dios. Adocãta mani ruju cutirise godacoaro yiroja. Ito bajiri tãdi mani godabititoni mani ya rujure wasoagu yiguĩji Dios. ⁵⁴⁻⁵⁵ Adocãta mani ruju cutiri ruju godacoaro yiroja. Mucana tãdi godabiti ruju Dios ĩ manire wasoaja, Dios oca tuti iti gotiado bajiroti rãtaru yiroja. Ado bajiro gotia iti: Mani godarise jediroca yami Dios ĩja. Ito bajiri mucana tãdi godamenaji mani. “Tõbujacõri goda wacu ya yu”, yi tãoĩa güire ma ĩja. ⁵⁶ Ñeñaro yisotirã ñari godarã yirãji mani. Dios ĩ rotirisere cudimena ñari, “Ñeñaro yirã ña gu”, yi tãoĩa mani. Ñeñaro mani yirisere mani coe rotibeja godacõri, bũto tõbujarã yirãji mani. ⁵⁷ Ito bajibojarocati mani Uju Jesucristore mani tãorũnaja, ĩ godarena sũoriti jeame ujuroju mani waborere rãtogũ yiguĩji Dios. Godabojarãti caticoarã yirãji mani. Itire tãoĩa wanucõri, “Queno ya Dios mu”, ya mani.

⁵⁸ Ito bajiri Jesucristore tãorũnũ jidicãbitiraja yu ñarã manire. Ito yicõri ĩre moa ĩsi jidicãbitiraja manire. “Īre mani moa ĩsija queno manire waja yigu yiguĩji Dios”, yi tãoĩa mani. Ito bajiri mani Ujure mani moa ĩsija rocati meje moarã yirãji mani.

16

Gãjerãre ejabũarona mani niyeru miojure gaye

¹ Gãjerã Jesure tãorũnũrãre ejabũarona niyeru mũa miojuroti gaye mũare busigu ya yu adocãta. Jesure rãcũbũorona ĩna minijua ñaroca, Galacia sita gãnare niyeru yu mioju rotiado bajiroti mũare cãni niyeru mioju rotia yu. ² Ado bajiro mũare

mioju rotia yu: Coji tujacāra rumu ruyabeto mua buja sosaro bajiroti jabetacā ĩsija quena. Itire miojucōri cojutu seoba. Ito bajiro mua yija, yu ejari rumu ñacāro yiroja. ³ Mua tu ejacōri niyeru āmi warona mua beseanare, “Jerusalén gānare niyeru ĩsitēña”, yirocu ĩnare wa rotigu yiguja yu. Ito bajiri mua miojure gaye āmi wacōri ito gāna Jesure tuorānūrā bojoro bujarāre ĩsirā yirāji ĩna. “Āna ñama queno yirā. ĩnare boca āmiña mua”, yi papera uca ĩsigū yiguja yu Jerusalén gānare ĩna ĩo ejatoni. ⁴ “ĩna rāca waruja yure”, yu yi tuoĭaja, ĩnare ũmatā wacu yiguja yu.

Warocu Pablo ĩ tuoĭare gaye

⁵ Adona wacōri Macedonia sitaju ejagu yiguja yu. Itona wacōri mua cuto Corintoju ejagu yiguja yu. ⁶ Yoari mua rāca ñagū yiguja gajea yu. Juebucu ñarocōti mua rāca ñagū yiguja gajea yu. Ito bero gaje cuto yu wa masitoni yure mani gaye yure mua ĩsi ejabuaja quena ñaroja yure. ⁷ Ejori oca mua tu ti rēta āmobeja yu. Mani Ũju ĩ āmoja, yoari mua tu ña āmoa yu. ⁸ Ito bajibojaguti coji wabea yu maji. Adi cuto Efeso, iti Pentecostés basa iti rētaja bero wacu yiguja yu. ⁹ Ado ñacōa āmoa yu maji. Jājarā yure ti tudirā ñabojarāti, Dios oca yu riasoja jājarā ñama queno tuo āmorā.

¹⁰ Timoteo mua tu ĩ ejaja, queno boca āmima ĩre. Mua rāca ĩ wanutoni, ĩ tuoĭa oca jaibe yirona, queno ĩre boca āmima. Mani Ũjare moa ĩsigūti ñami ĩ cuni, yu robo bajiroti. ¹¹ Ito bajiri ĩre mua rācubure āmoa yu. ĩre bocatia yu, ito yicōri Jesure tuorānūrā ĩ rāca gānare cuni. Ito bajiri mua tu ĩ ejaja, ĩre ejabuaya, yure rēta tigu ĩ ejatoni.

¹² Mani yagũ Apolosre gãjerã Jesure t̃orũnarã rãca ãre josabojacũ yũ, m̃ua tũ ã tigu watoni. Ito bajiro yũ yibojarocati “Adocãta yũ ware ãmoguĩji Dios”, yi t̃uoĩabeami maji. Ito bajiri, “Yũ ware quena”, ã yi t̃uoĩari rumũ m̃ua tũ tigu wacũ yiguĩji ã.

Quenajaro masa, Pablo ã yi ñucare gaye

¹³ Queno t̃uoĩacõri ña yucãña m̃ua. Ito yicõri mani Ujũ Jesucristore t̃orũnũ jidicãbesa m̃ua. Ñm̃ua seyoro queno m̃ua usi cuti ñaja quena. Ito yicõri t̃uoĩa oca s̃eoña m̃ua. ¹⁴ Dise ruyabeto Diore m̃ua moa ãsisotirise gãjerãre ti maicõri ãre moa ãsija quena.

¹⁵ Acaya sita gagũ Estãfanas ã ñarã rãca cajero Dios oca yũ riasocatire boca ãmisũoquĩ ã. “Ito bajiroti bajicũ”, yi t̃uoĩarãji m̃ua. Adi rum̃ari gãjerã Jesure t̃orũnarãre ejabũarona Diore moa ãsirã yama ãna. ¹⁶ ãnare m̃ua rũcũbũo cũdire ãmoa yũ. Ito yicõri no ãna bajiro Diore moa ãsicõri m̃ua rãca moarãre m̃ua rũcũbũo cũdire ãmoa yũ. ¹⁷ M̃ua ñarã Estãfanas, Fortunato ito yicõri Acaico ãna ejaja bũto wanũa yũ. Sõjũ ñacõri yũre ejabũa masibea m̃ua. Ito bajiri m̃uare yiarĩ yũ tũ ejacõri yũre ejabũama ãna. ¹⁸ M̃ua oca s̃eoroca ãna yiado bajiroti yũ tũ ejacõri yũ oca s̃eoroca yama ãna. Ito bajiro yirãre mani rũcũbũoja quena.

¹⁹ Asia sita gãna Jesure t̃orũnarã, “Quenajaro”, yi ñucama m̃uare. Aquila ã manojo Priscila ãna ya wi minijuarã cũni mani Ujũre t̃orũnarã ñari, “Quenajaro”, yi ñucama ãna m̃uare. ²⁰ Ado gãna manire bajiro Jesure t̃orũnarã, “Quenajaro”, yi

ñucama m̄are. Diore r̄c̄ub̄orã ñari, “¿Ñati m̄a?”
yic̄ori gãmeri m̄a jababare ãmoa ȳ.

²¹ Ȳmasiti, “Quenajaro”, yi uca ñuca ȳ m̄are.

²² No mani Ʋ̄̄ Jesucristore maimena jeame
ãj̄rōj̄ warã yirãji. Mani Ʋ̄̄ ã t̄di ejare ãmosac̄õ
ȳ.

²³ Mani Ʋ̄̄ Jesure senia ȳ m̄are queno ã yitoni.

²⁴ “Jesucristore t̄or̄ñarã m̄a ñajare, m̄are b̄to
t̄o maia ȳ”, yi ñuca ȳ m̄are. Itoc̄õ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
2581ee54-739f-5595-8d44-83c638ed667b